

J Chinese
Vol VIII

7

醫
林
指
月

皇
古
診
則
序

7

醫家以望聞問切爲四要夫聞與問按式而行之如以燈取影罔有不合無難也若望色一端所恃者目力之精巧辨之於隱微之間用之稍難矣至於切脈憑之於指會之以心古謂在心易了指下難明乃難乎其難者也晉唐以後脈學之書日增矣各抒所見互有短長僞訣流傳更相淆惑學人於此不能無多岐亡羊之患盧子繇先生獨采內經之微言參以越人仲景之說薈萃成書分爲四帙名之曰學古診則明當從古先聖哲之言以爲則而無事勞心於後人之紛挐云耳先是子繇遵其父遺命著本草乘雅年二十八耳越十八年而乘雅乃成於是注傷寒越五年而傷寒金鑄亦成於是注金匱自言參覈本草畢而右目眇疏鈔金鑄終而左目又眩大抵由心勞血耗所致至五十六兩目遂矇於時論疏金匱甫及其半不能復親書卷時從冥目晏坐中摩索其義有所得口授子婿陳曾篁錄出之遂以摩索名其書年屆六十始獲成編此皆其書中自敘有歲月可考者也診則不知起手何時小敘中并不紀歲月大抵先已具稿草創至摩索告成始著意剪裁未及六年子繇卽世臆揣此編殆未成之書耶觀其前半縱橫錯綜俱有條貫然二帙之末所謂六部四時寸口三條祇列其目其辭缺焉若三四兩帙則文字譌落兼有錯亂所引內經刪節字句全失義理者有之又其敘次分起條目與一帙之連章累牘脈絡貫注者迥乎不同核以小序所云一意就緒恐難節會者殊不相合又云簡閱診則破譌轉甚扶疾命會篁對讀庶得無

漏者亦殊不然大抵由易稿時書人倦墮故遺落其字句子繇旣抱西河之疾不能親自校勘卽命子婿對讀一時未遑卒業遷延歲月而觀化之期已至故前後異同若此斷以爲未成之書殆無疑矣世之讀是書者於前半苦其段落之聯綴而起止難辨於後半苦其文義之有重有缺而頭緒紛錯至撥引靈樞素問之辭文奧意深理精旨遠俱無訓詁披會尤難往往讀未終帙倦而思棄者有矣余爲此惜乃詳加考訂隨其文義區分而界隔之使檢閱者易於尋索詮論者便於研求至於理旨深邃者博采名賢之論而折衷焉音釋未明者旁求字學之書而參考焉庶幾疑義可以冰釋誦讀得無舛錯乎若夫魚豕混淆文句遺漏或更字以正其論或增字以昭其義總斲完此書之眉目而不使有殘缺失次之嫌亦兼以啟後人之憤悱而得以有辨惑釋疑之益非敢於先哲妄起異同也後之學人於此四帙果誦而能解解而能明明而能會通以用之又安有心中之未了而指下之難明哉雖然診脈特四要之一耳昔人謂醫有四要猶人有四肢一肢廢不成完人一要缺不成上醫余嘗晤先生之曾孫玉成知其家藏固有未刊色診一編也學人更能精究於是而復益之以聞參之以問四要全而藏府陰陽虛實自能辨晰其精微矣奚待飲長桑君藥而始有洞垣之視也夫

乾隆三十五年歲次庚寅五月丁丑朔胥山老人王琦述

學古診則目錄

第一帙

第一則言脈生原始

第二則言診則十法

第三則言指法密因

第四則言寸口行度并詳營衛生會脈度之原

第五則分尺寸關爲陰陽所治

第六則言覆溢關格陰陽相乘之脈

第七則言按脈有輕重分析形層爲五合肺心脾肝腎五神藏之效象叶越人一脈變而爲十之剛

柔邪氣參以靈樞一脈微甚變而爲一十有二之邪氣藏府病形

第二帙

第八則詳言三部九候之法錯引內經難經異同博約之說

第九則辨越人脈有損至之說

第十則言不滿五十動而一止之脈

第十一則言六十首王時之脈

第十二則言內外之絕難經與靈樞有氣脈之殊

第十三則言脈分六部缺

第十四則言脈變四時缺

第十五則言脈有寸口缺

第三帙

第十六則引金匱要略論寸口三部象證

第十七則言尺寸之脈男女有恆而相反之變

第十八則言脈有伏匿之變

第十九則言運氣分南政北政而脈之尺寸有不應之變

第二十則言寸口脈平而死之變

第二十一則言人迎氣口分別陰陽內外以定藏府虛實補瀉治法

第二十二則言十二經脈運行身中終而復始之運行

第二十三則詳言十二經脈之病形證狀

第二十四則詳言十五絡脈之病形證狀

第二十五則詳言十二經正別六合之分配

第二十六則詳言十二經筋之病形證狀

第二十七則申言脈行之度明其當然與所以然之故以結本帙全篇之意

第四帙

第二十八則詳明六陰六陽之根結爲開闔樞之機噐

第二十九則詳言左右十二偶經經穴

第三十則詳言身中前後督任二脈奇經經穴

第三十一則詳引莊季裕別傳膏育穴法

第三十二則言五藏六府各有腧穴以及腹背經穴各分行次并禁刺之穴

第三十三則詳九針形式之用

第三十四則申言十二經絡終始當合之五運天干太過不及子復母鬱之意察其脈之絕否以決

死生

第三十五則申言十二經脈資始資生及諸脈顯微之異

第三十六則詳言奇經八脈起止鄰會及爲病形證

第三十七則申言三絡脈爲陰陽諸絡之統攝與二十四則中所言微有不同蓋前則本之靈樞此則本之難經故不同也

第三十八則詳言會歸三焦天真水穀胃氣本原爲營爲衛以及男女天癸盛衰爲原始要終之大法

第三十九則合參難經金匱所言肝肺虛實并詳黃帝岐伯藏氣法時過與不及爲補爲瀉治法以廣脈外之義

第四十則推言內經所載諸法雖與脈無涉亦當參究以窮醫道之玄而明其化所以廣書中未及兼輯之義而斲學人皆爲十全之上工也

原稿目錄祇就上格標題摘鈔數語以爲眉眼而條目未及分析初學者難於檢閱茲倣學庸章句之例分爲四十則俾學人尋行數墨展卷卽是故與原稿微有不同

學古診則第一帙

錢塘盧之頤子繇甫輯正

拙言原疏卒病論辨脈首條未及申之以鈔已滿三百餘紙合以後章繁簡不均恐失仲景先生立論本義另帙就正有道其有未盡者詳疏平辨兩脈而此診則亦不敢妄驕臆說惟知進法上古遵經數衍稍備診家則式較之中古各自恃其法者恐不合時宜倘不以鄙說為謬質之靈素嚴加勘駁則不才旅有異時論者罪戾無遁矣戊戌中秋後三日拙稿金鏢災木苟完重訂訛讀句大費安排故金匱摩索先慎之於始再率子壻曾壘逐字朗誦按句點較金鏢先生所著卒病論疏鈔之名已梓行傳世摩索先生所著金匱要略名也迄今尚未梓更簡診則破訛轉甚旅不得不扶疾命曾壘對讀庶得無漏第此三百紙者一意就緒恐難節會續與曾壘演說分科標題格額俾覽者易于尋索庶不致散漫無稽而節目有次也東城河上廢衲蘆旅原名之頤稽首識

夫脈者水穀之精氣分流經隧灌漑藏府。妄行四體貫串百骸妄即斜字資始于腎間動氣資生于胃中水穀者之為脈也。盧國秦越人扁鵲氏八難云諸十二經脈者皆係于生氣之原。所謂生氣之原者謂十二經之根本也。謂腎間動氣也。此五藏六府之本。十二經脈之根。呼吸之門。三焦之原。一名守邪之神。張世賢曰原指

皆謂脈生
原始本諸
發天水穀
開見諸經
絡屬藏府
命曰腎氣

保合太和
以傳先天
實象于此
乃得形與
神俱盡終
其天年度
胃氣乃去
故人以胃
氣為本

為胃脈本
水穀胃氣
四時成形
以養常變

身目診則
寸口為綱
寸口為目
身目診則

根本也。腎屬水。三焦屬火。氣出于水火之中。三焦之氣。始于是。故曰三焦之原由。此氣建中立本。育氣固形。守其內而固其外。使諸邪不能傷其身。故曰守邪之神。故氣者人之根本也。根

絕則莖葉枯矣。六十六難云。十二經皆以俞為原者何也。俞音恕。五藏之。然五藏俞者。三焦之所行。氣之

所留止也。滑伯仁曰。然者。三焦所行之俞為原者何也。然。膺下。腎間動氣者。人之生命也。十二經之根本

也。故名曰原。三焦者。原氣之別使也。主通行三氣。上中下三經。歷于五藏六府。原者。三焦之尊號也。故所

止輒為原。原為三焦之尊號。而所止輒為五藏六府之有病者。皆取其原也。黃帝素問內經玉機真藏云。

岐伯曰。五藏者皆稟氣于胃。胃者五藏之本也。胃為水穀之海。以養五藏。故為五藏之本。藏氣者不能自致于手太陰。必因于

胃氣。乃至于手太陰也。故五藏各以其時自為。而至于手太陰也。如春脈為弦。夏脈為鈞。秋脈為毛。冬脈

為石。此平人之常氣。稟于胃者。平人之脈也。故邪氣勝者。精氣衰也。故病甚者。胃氣不能與之。俱至于手

太陰。故真藏之氣。獨見。獨見者。病勝藏也。故死。此皆逆四時之氣。無胃氣者。真藏之變脈見矣。胃為五藏

藏脈。中必帶胃氣。若胃氣不見。而真藏之脈。獨見。則邪氣盛。而正氣衰。胃脈之敗。可知矣。

右第一段胃脈生原始

若運行之過與不及。氣位主客之相得與否。病傳之所勝不勝。本標之層署陰陽。亦莫不各隨邪正之淺深微甚。實虛新故。著見脈狀者。總不越診法之十則為綱。如度形體以別大小。至數以紀遲數。上數字音。下數字音。

交互顯顯
本之強素
合參諸家

音。往來以循滑。滯部位以度長短。舉按以驗浮沉。浮者陽。大者陽。數者陽。滑者陽。長者陽也。沉者陰。小者陰。遲者陰。澹者陰。短者陰也。故曰脈有陰陽。亦有一陽一陰而單見。亦有二三四五陽。二三四五陰。而並呈。亦有一陽一陰。二三四陰。一陽。二三四陽。而兼著。亦有二陽一陰。二三陰。一陽。二三陽。或三陽。一二陰。三陰。一二陽。或四陽一陰。四陰一陽。而錯顯。悉屬十綱脈之互見。未列異相之脈名。至脈狀多端。咸憑診則各以類從。條分之爲目矣。如診以形體之大者爲綱。則曰肥。曰洪。曰散。曰橫。曰弦。曰革。皆目矣。診以形體之小者爲綱。則曰弱。曰瘦。曰細。曰微。曰縈。縈如蜘蛛絲。皆目矣。診以至數之數者爲綱。則曰急。曰疾。曰擊。曰搏。曰躁。曰喘。曰促。曰動。曰奔。越無倫。皆目矣。搏音博診以至數之遲者爲綱。則曰緩。曰脫。曰少氣。曰不前。曰止。曰歇。曰停。曰代。曰結。曰如瀉。漆之絕者。皆目矣。診以往來之滑者爲綱。則曰利。曰營。曰喙。曰翕。曰章。曰連珠。曰替替然。皆目矣。診以往來之澹者爲綱。則曰緊。曰滯。曰行遲。曰爲不應。指曰參。伍不齊。曰往來難。且散。曰如雨沾沙。曰如雨淪沙。曰如輕刀刮竹。皆目矣。診以部伍之長者爲綱。則曰慄。曰高。曰涌。曰端直。曰條達。曰上漁。爲溢。皆目矣。診以部伍之短者爲綱。則曰抑。曰卑。曰退。曰不及。指曰入尺。爲覆。皆目矣。診以舉按之浮者爲綱。則曰盛。曰毛。曰泛。曰札。曰如循榆莢。曰肉上行。曰時一浮。曰如水中漂木。曰瞥瞥如羹上肥。皆目矣。診以舉按之沉者爲綱。則曰潛。曰堅。曰伏。曰匿。曰過。曰減。曰陷。曰獨沉。曰

時一沉。曰如綿裹砂。曰如石投水。皆目矣。種種諸目。可以單見。可以並呈。可以兼著。可以錯顯。亦可綱與目交。相見呈著。顯隱躍於指端者也。雖然。巧不在模象之畢肖。而喫緊又在形體至數往來部位舉按之十法。夫如是。則不待揣摩。而形真已畢露無遁矣。至若前大後小。前小後大。亦不越乎形體。上盛下衰。下盛上衰。上虛下實。上實下虛。上部有脈。下部無脈。下部有脈。上部無脈。中手長者。中手短者。亦不越乎部位。中手促而上擊者。亦不越乎至數。沉而堅。浮而盛。沉而濕。沉而橫。沉而喘。固不越乎舉按。更兼乎形體往來至數矣。脈盛滑堅。往來兼乎形體。小實而堅。此亦形體。小弱以濇。形體兼乎往來。滑浮而疾。往來兼乎舉按。至數矣。緩而滑。至數兼乎形體。盛而緊。不越乎往來。洪大而長。形體兼乎部位。乍數乍疎。乍短乍長。至數兼乎部位。浮大而短。舉按兼乎形體。部位矣。累累如連珠。如循環玕。此亦形體。喘喘連屬。其中微曲。至數兼乎形體。前曲後居。如操帶鉤。此亦形體。厭厭聶聶。如落榆莢。此亦舉按。不上不下。如循雞羽。此亦形體。如物之浮。如風吹毛。此亦舉按。冥弱招招。如揭長竿末梢。形體兼乎往來。部位矣。盈實而滑。如循長竿。形體兼乎往來。來急益勁。如新張弓弦。至數兼乎形體。和柔相離。如雞踐地。形體至數。往來。部位。舉按。咸備矣。來實而盈。數如雞舉足。往來兼乎形體。至數。舉按矣。來而銳。堅如鳥之喙。鳥之距。屋之漏水之流。去來兼乎形體。往來兼乎至數。蓋往來者脈之源。如水之流。去來者脈之抑與揚。如浪之起與伏。來可

迎去可追。至者往來。但有其來而無其往。卽其來亦不易見。何則。但覺浪濤之起伏。不覺水流之不息。此水流之平者。又非湍急之逝者如斯夫。是故去與來。亦不越舉按之浮沉。至脈來喘喘累累如鉤。按之而堅。此又去來兼乎往來。形體兼乎舉按。來如引葛。按之益堅。往來兼乎形體。形體兼乎舉按。發如奪索。辟辟如彈石。往來兼乎形體。舉按兼乎去來。氣來更弱。輕虛而滑。端直以長。往來形體兼乎舉按。部位來實而強。去來兼乎形體。來不實而微。此亦形體來盛去衰。來盛去亦盛。來不盛去反盛。往來兼乎去來。來輕虛以浮。來急去散。往來形體兼乎舉按。去來來毛而中央。兩旁虛。來毛而微。舉按兼乎形體。沉以搏。舉按兼乎至數。形體來如彈石。去來兼乎至數。形體中外急如循刀刃。責責然如按琴瑟絃。至數。形體兼乎往來。舉按堅以搏。如循薏苡子累累然。形體至數。兼乎舉按。往來大而虛。如以毛羽中人膚。形體兼乎舉按。往來搏而絕。如指彈石辟辟然。至數。兼乎往來。去來兼乎形體。弱而乍數乍疎。形體兼乎往來。渾渾革。至如涌泉。絛絛其去如弦絕。形體兼乎往來。往來兼乎形體。來疾去徐。上實下虛。來徐去疾。上虛下實。去來兼乎部位。往來兼乎舉按。俱沉細數。沉細數散。浮而散。舉按兼乎形體。至數。浮而不躁。此則舉按浮而有躁。舉按兼乎至數。細而沉。形體兼乎舉按。數動一代。至數。兼乎往來。一呼一動。一吸一動。一呼三動。一吸三動。而躁。一呼四動以上。此皆至數。脈絕不至。有往無來矣。乍絕乍續。至數。兼乎往來。形體懸絕。弦。

醫家指法
 中脈無名
 指或三指
 指及部各
 索十則為
 總諸條為
 百萬端效
 氣不越十
 顧而兩判
 更各歸其
 五法具形
 營無煩端
 脈若逐形
 審法維難

純乎形體懸絕淨懸絕沉純乎舉按懸絕瀦純乎往來懸絕沉瀦舉按兼乎形體脈靄靄如車蓋者陽盛此則現乎往來脈靄靄如車蓋者陽結此又著乎去來脈累累如循長竿者陰結此又形體兼乎往來舉按者矣至脈弱而滑是有胃氣所謂和柔相離如雞踐地形體往來咸相若也故人以胃氣為本斯春應規夏應矩秋應衡冬應權陽氣微上則陰氣微下陰氣微上則陽氣微下陰陽有時與脈為期此之謂各以其時自為而至于手太陰者脈之常期而相失知脈所分者脈之變

右第二段言診則十法

滑也變也所重固診切之十則而喫緊又在指法之捷取如以目視色以平稱物此秋毫之無可避者甚矣指法之難言也世多習矣而不察猶令無目人而辨皂白無針平而衡分兩矣蓋人中指上兩節長無名食指上兩節短此參差之不易齊者若按尺排指疎則踰一寸九分之定位排指密則又不及尺寸三停之界分此尤其小者顧指節之參差雖疎與密咸難舉按不但腕不能舒肘亦牽于動轉必藉肩之提攝或得指頭上下久則腕節不仁臂亦瘦削罔覺矣又何能別形體紀至數循往來度部位驗舉按以及去來乎是誠令無目人而使之辨皂白無針平而為之衡分兩其可得歟是必三指齊截斯中指翹出而後節節相對自不待腕之能舒而節無不轉轉無不活即無名指之屈而未伸者伸矣眾指之伸而未屈

以現前法
無定見法
之與指指
體之與用
法定指法
法指尤為
要緊

此言法取
寸口并悉
醫衛生會
脈度之源

者屈矣。真類針平。輕重毫末。無容隱者。故指法之宜早辨也。第惟食指肉薄而靈。中指則厚。無名指更厚。木故必用指端。稜起如線者。名曰指目。以按脈中之脊。無論洪大弦革。即小細絲微。咸有脊焉。不啻睛之視物。妍醜畢具。故古法稱診脈曰看脈。可想見其取用矣。每見有惜爪甲之長美。留而不去。祇用指厚肉分。或指節下。以馮診視者。譬若目生頸腋脇胸間。設有指頭肥禿者。業屬不慧。反藉口謂診視一法。不過敲門磚耳。得善望聞。巧問答。漏病者一二證。便可敷衍酬應。何必窮研奧旨。摩揣刻肖。自取勞苦耶。又下一等昧望聞。拙問答。不識受何衣鉢。作放利訛頭。此更難言矣。若果因人之病苦起見。慈憫為行者。此又診切之所宜辨也。至于診法。尤為喫緊。

右第三段言指法密因

從上脈狀統論寸口。未及條分諸種診法。至若正變呈象。各引經論之異同。辨析于左。

一脈獨取寸口行度。陰陽營衛周會。越人一難云。寸口者。脈之大會。手太陰之脈動也。人一呼脈行三寸。一吸脈行三寸。呼吸定息。脈行六寸。人一日一夜。凡一萬三千五百息。脈行五十度。周于身。漏水下百刻。營衛行陽二十五度。行陰亦二十五度。為一周也。故五十度復會于手太陰寸口者。五藏六府之所終始。故法取于寸口也。夫脈之終也。始也。固本于營衛。謂榮行脈中。衛行脈外也。而營之行。衛之行。會也。分也。

大有徑庭。請以營言之。營者水穀之精粹。其清者爲營。奉心化赤。命曰營氣。乃得獨行經隧。以奉生身。莫貴于此。故曰營行脈中。脈者猶川河溪澗之道。營者卽川河溪澗之水。其始也巡脈從中焦。自手太陰肺。肺注手陽明大腸。大腸注足陽明胃。胃注足太陰脾。脾注手少陰心。心注手太陽小腸。小腸注足太陽膀胱。膀胱注足少陰腎。腎注心。主手厥陰心包絡。心包絡注手少陽三焦。三焦注足少陽膽。膽注足厥陰肝。此十二經脈者。計長一十六丈二尺。人一呼脈行三寸。一吸脈行三寸。呼吸定爲一息。合計脈行六寸。漏水下二刻。呼二百七十有五。吸二百七十有五。合計息二百七十有五。脈行一十六丈二尺。盡爲一周于體躬。周而復始。如環無端。日夜漏水下百刻。合計脈行五十度周于身。人一日一夜。凡一萬三千五百呼。一萬三千五百吸。合計一萬三千五百息矣。陰陽經脈。無分晝夜。陽兩陰兩。相間而行。在陽固脈行陽五十度周于身。在陰亦脈行陰五十度周于身。非僅行陽只二十五度。行陰亦只二十五度也。若夫衛者。亦水穀之精粹。旣以其清者爲營。因以其次者稱衛。遂云濁者爲衛耳。不同乎混濁之濁。而以之稱衛也。衛氣出入形藏。分子晝夜。以固生身。莫祕于此。故曰衛行脈外。其始也從中焦。平旦陰盡陽始生。而人寤。陽氣出于目。目張則氣上行于頭。循項下足太陽。循背下至小指之端。其散者別于目銳眥。下足太陽。下至手小指之間外側。其散者別于目銳眥。下足少陽。注小指次指之間。以上循手少陽之分側。下至小指之

間別者以上至耳前合于頷脈注足陽明以下行至跗上入五指之間其散者從耳下下手陽明入大指之間入掌中其至于足也入足出內踝下行陰分復合于目此之謂衛行脈外行身之陽道爲一周非循行經隧之爲衛行脈外也周而復始合計二十五周于身爲衛獨行陽二十五度非合營並行陽二十五度也陽盡于陰陰受而人寐其始入于陰常從足少陰注于腎腎注于心心注于肺肺注于肝肝注于脾脾復注于腎此之謂衛行脈外藏舍之陰道爲一周亦非循行經隧之爲衛行脈外也周而復始合計二十五周于藏爲衛獨行陰二十五度亦非合營並行陰二十五度也合計晝行陽二十五度與夫夜行陰二十五度斯之謂一周于身一周于身盡日下脊骨之一節二十一日至骹骨其氣上行九日出于缺盆復會于大椎斯之謂盡歷行身度之一周大會于體弱也蓋衛行遲者終月始歷盡一周之體弱猶日行遲一年十二月巡行周天三百六十五度四分度之一爲年也營行疾者一日夜五十度周于身猶月行疾一月三十日日超天一十三度半有奇一月一周天三百六十五度四分度之一爲月也顧營衛之行周猶氣之有節節之有候衛平銓度無容暫失此營衛生會與行以及脈度岐伯備述諸篇精詳無漏第本難博約增損固幼學之捷徑設未博靈素全文多安荀簡轉致古今多無定見至衛行日下一節二十一日窮歷骹骨上行九日出于缺盆岐伯氏補載瘧論世未知合觀融貫并夫衛度起止終始不才祇

此分寸
及關陰陽
所治沉
通與不及
不越本位
而言也

臂骨之上
為掌下
臂骨一寸
高骨之為
關正值神
門穴後之
為後也

遵經參訂。非敢強作解事。變亂常法也。在古聖診切。法取三部。三而三之。合為九候。乃可盡察統體府藏。陰陽虛實新故。四時五行。氣運傾移。三因交顯。大法斯備。至若獨取寸口。以決五藏六府死生吉凶之法。謂統體脈隧。不越水穀發端中胃。徧見諸經。惟寸口動脈。乃鴻濛始判。必清必靜。了無分屬。效象病形。毫髮無容混者。三部九候。固各歸形身府藏專屬。然遞流貫注。問氣不無雜遷。因以診馮寸口。為發萌之始。此為最的。乃無岐分孽生之疑惑。故經云。水穀徧見寸口。猶弩之發機。矢之中的。應規應矩。曰寸曰口。而後周匝迴旋。轉相灌漑。如環無端。法取寸口者。以此。然所謂寸口者。槩左右手三部而言也。以辯右為氣口者之非。

右第四段言法取寸口并詳營衛生會脈度之源

一脈有尺寸。二難云。寸口者。脈之大要會也。從關至尺是尺內。陰之所治也。從關至魚際是寸口內。陽之所治也。故分寸為尺。分尺為寸。故陰得尺中一寸。陽得寸內九分。尺寸終始。一寸九分。故曰尺寸也。蓋診脈定穴。以關為界。關者。掌後高骨是也。滑伯仁曰。關者。掌後高骨之分寸之間。陰陽之界限也。從關至尺。澤得同身寸之一尺。屬尺內之陰。從關至魚際。得同身寸之一寸。屬寸口之陽。從魚際至尺。澤共得一尺九分。故越人云。從關至尺。是尺內陰之所治也。從關至魚際。是寸口內陽之所治也。故分寸中之一分。以成一尺。分尺中之一分。以成一寸。是陰得尺中一寸。陽得寸內九分。尺寸終始。一寸九分。故曰尺寸也。然關之前者。陽之動

此言陰陽
相乘覆溢
關格法論
規度論矩
上下離決
權衡外節
越木位而
言死生立
也此當了

也脈當見九分而浮。九分陽位脈當浮也。診法之指去其無名指。用中指按關之上。次聯食指按關之前。兩指令平。先按後舉。至與皮毛相得有脈之處。其脈始見而浮。過者法曰太過者。多出于皮膚之上。為浮之太過。減者法曰不及者。多入于皮膚之下。為浮之不及。若按至筋膜之間。則無脈矣。滑伯仁曰過謂常脈不及謂不及本位不及常脈是皆病脈也故曰浮者陽也。如衡關以後。陰之動也。脈當一寸而沉。一寸陰位。脈當沉也。診法之指去其食指。亦用中指按關之上。次聯無名指按關之後。兩指令平。先舉後按。按至肌肉相得有脈之處。其脈始見而沉。過者法曰太過者。多入于肌肉之下。為沉之太過。減者法曰不及者。多出于肌肉之上。為沉之不及。若舉至皮膚之間。則無脈矣。故曰沉者陰也。如權。

右第五段分尺寸及關為陰陽所治

一脈有陰陽相乘。有覆有溢。有關有格。越人云。遂上魚為溢者。即九分陽位應浮之脈。遂上溢魚際穴外。致一寸陰位應沉之脈。由內而外。至關前九分之陽位。故曰為外關內格。此陰乘之脈也。蓋關即神門高骨之為關。格即自內至外之為格。乘即陰乘陽位之為乘。溢即溢出魚際上魚之為溢也。遂入尺為覆者。即一寸陰位應沉之脈。遂入覆經渠穴後。致九分陽位應浮之脈。由外而內。至關後一寸之陰位。故曰為內關外格。此陽乘之脈也。蓋關即神門高骨之為關。格即自外至內之為格。乘即陽乘陰位之為乘。覆即

言脈有
 寸口該
 尺而百均
 分層五之
 形藏正位
 居體而各
 相得以合
 配在中之
 五神藏各
 隨所藏效
 審脈容華
 眞即骨持
 正則曰
 觀曰甚爲
 脈爲府五
 而五之共

陰覆經渠尺後之爲覆也。然則一寸九分之曰尺寸。總不離乎部位。九分而浮。一寸而沉。亦不越乎舉按。太過不及。固同舉按。此又兼乎去來。若上魚之溢。陰乘之陽。外關之格。則獨驗其來。入尺之覆。陽乘之陰。內關之格。尤獨著其往。至陰生于寸而動于尺。效水逝之迴波。陽生于尺而動于寸。類水出之源始。而出入以關爲界。是故陰陽之所由分也。此越人發靈素之所未發。定權衡。度浮沉。察隕越。審覆溢。以決死生。此二指法也。

右第六段言覆溢關格陰陽相乘之脈

一脈有輕重。蓋肺心脾肝腎。舍神之爲神藏。皮毛血脈肌肉筋骨形骸之爲形藏。經云神與形俱。盡終其天年。度百歲乃去。是以皮毛者。肺之合。血脈者。心之合。肌肉者。脾之合。筋骨者。肝之合。骨者。腎之合也。欲知藏脈。當合藏形。然非部位。非舉按。則不得矣。至舉按有輕重之殊。固始于舉而終歸于按。宜分爲五。曰如三菽之重。如六菽之重。如九菽之重。如十三菽之重。按之至骨。舉指來疾也。其法以三指截齊。先按後舉。舉復漸按。若毛之柔者。剛者。脈之弛者。縱者。肉之肥者。瘠者。筋之強者。柔者。骨之堅者。脆者。更驗統體身形。或急或緩。均分爲五。雖菽粒有數。而輕重各有量也。故曰初持脈。如三菽之重。初持。猶言初舉。如字傳神。知古人用力之巧。至三菽之重。亦猶言漸按之始。與毛皮相得者。令指按至與皮毛相親相著之爲相

爲十也此
三指之法
髓人獨開
靈樞之祕
分別多難
仍會歸一
元詳言下
章無僅作
輕重觀也

得也。所謂皮毛者肺之合。此卽肺部便可得診肺藏之脈。浮而短濇者是蓋藏真高于肺。以行營衛陰陽也。其時秋其令降。其主金。其肌衡自外而內。故脈見浮濇而短。與得皮毛之深者以候肺。淺以候府之大腸。大腸則微浮微濇微短矣。如六菽之重。與血脈相得者。令指按至與血脈相親相著之爲相得也。所謂血脈者心之合。此卽心部便可得診心藏之脈。浮大而散者是蓋藏真通于心。心藏血脈之氣也。其時夏其令出。其主火。其機衡自內而外。故脈見浮大而散。與得血脈之深者以候心。淺以候府之小腸。小腸則微浮微大微散矣。如九菽之重。與肌肉相得者。令指按至與肌肉相親相著之爲相得也。所謂肌肉者脾之合。此卽脾部便可得診脾藏之脈。第脾者土也。孤藏以貫四旁。善者不可得見。蓋藏真濡于脾。脾藏肌肉之氣也。其時四季。其令中。其主土。其機衡保持四維。而象不可指。與得肌肉之深者以候脾。淺者以候府之胃。胃則善惡多端。診切之例。亦不在中土之境。如十二菽之重。與筋平者。令指按至於筋相親相著之爲相平也。所謂筋者肝之合也。此卽肝部便可得診肝藏之脈。牢而長者。是蓋藏真散于肝。肝藏筋膜之氣也。其時春。其令升。其主木。其機衡自下而上。但其脈應與弱。輕虛而滑。端直以長。而乃牢而長者。有類太過之實而強矣。蓋其氣來與弱。輕虛而滑。端直以長者。屬春時統體之診切。今則層分五部。漸按至重。脈體不無堅牢而長。不同因時。效象之比。設此部按之。亦與弱輕虛。便非歸藏之爲神藏形藏矣。故其

脈見牢而長也。與得筋膜之深者以候肝。淺以候府之膽。膽則微牢微長矣。按之至骨者。所謂骨者腎之合。此卽腎部。便可得診腎藏之脈。第脈行肉中。骨上無脈。此欲得腎藏之真。故必按指至骨。而後腎真乃發。第腎爲水物。入則沒。故按則濡。濡柔也。讀與軟。軟之軟同。然水性至剛。物起則涌。故舉指來疾者。是如欲得其詳。還須隨舉隨按。隨按隨舉。似非一舉指之勞。而能盡其性者。蓋藏真下于腎。腎藏骨髓之氣也。其時冬。其令入。其主水。其機衡自上而下。故其脈按之沉而濡。舉指來疾。與得骨之深者以候腎。淺以候府之膀胱。膀胱則微濡微疾矣。此輕重五診之法。爲五脈應有之常。咸以按爲則。惟腎則按中有舉。舉中有按。雖然。其持以按。如肺部之得浮濇而短。則按中復自具舉。按往來部位諸法。如心部之得浮大而散。則按中復自具舉。按形體諸法。如肝部之得牢而長。則按中復自具形體部位諸法。如腎部之得按之濡。舉指來疾。亦復各自具舉。按形體至數往來去來諸法矣。蓋析形層五者以候藏。微以候府。微者計層按部及層少輕。故效象者。亦肖形之少微爾。然非副之以五。不足以盡藏府之常。謝繙孫曰。寸關尺所主藏府各有分位。而一部之中脈。又自有輕重。腰陽虞氏曰。假令左手寸口如三菽之重。得之乃知肺氣之至。如六菽之重。得之知本經之至。餘以類求之。乃知五藏之氣更相灌漑。六脈因茲亦有准繩。可以定吉凶。疾病矣。關尺皆如是。至心主三焦。緣有名無形。另注脈經。故不與于形藏之例。是以一脈輒變。僅載其十。曰急甚者肝邪也。微急者膽邪也。大甚者心邪也。微大者小腸邪也。緩甚者脾邪也。微緩者胃邪也。濇甚者肺邪也。微濇者大腸邪也。沉甚

十推微其
 變一而十
 之大衍之
 為五十矣
 以別柔
 以微甚
 不越日府
 外于日府
 曰藏迭為
 生尅之內
 所因越人
 化裁也參
 之微樞
 變十有二
 為固同生
 因無開生
 克之互干
 剛柔之交
 勝引經比
 屬立法殊
 途讀者大
 宜著眼
 此言第一
 層皮毛之
 形藏合肺
 以候肺得
 層及部切
 脈形容著
 則變容則
 病病則微
 之以證以
 參微甚驗
 熱寒偏勝
 血氣多少

者腎邪也微沉者膀胱邪也甚者為剛微者為柔微于府甚于藏各有剛柔邪故令一脈輒變為十也
 但以心為式餘可例推矣第末例有病狀耳按越人十難曰一脈為十變者何謂也五邪剛柔相逢之意也假令心脈急甚者肝邪于心也心脈微急者膽邪于小腸
 也心脈大甚者心邪自于心也心脈微大者小腸邪自于小腸也心脈緩甚者脾邪于心也心脈微緩者胃邪于小腸也心脈滑甚者肺邪于心也心脈微滑者大腸邪于小腸也心脈沉甚者腎邪于心也心脈微沉者膀胱邪于小腸也滑伯仁曰五邪者謂五藏五府之氣失其正而為邪者也剛柔者陽為剛陰為柔也剛柔相逢謂藏逢藏府逢府也五藏五府各有五邪以脈之來甚者屬藏微者屬府按十難原文極為明顯節去數字便靈樞邪氣藏府病形篇一脈輒變則十有二焉假令肺部應得浮而短滑者為常而急而緩而大而沉為外干之變而瀦甚而微瀦為自干之變此越人十變法也靈樞則曰肺脈急甚者為癩疾微急者為肺寒熱怠惰欬吐血引腰背胸若鼻息肉不通緩甚者為多汗微緩者為痿癭偏風頭以下汗出不可止痿音透瀦音漏大甚者為頸腫微大者為肺痹引胸背起惡日光痹音昇小甚者為泄微小者為消瘴瘴音丹消瘴肌肉消瘦也滑甚者為息賁上氣賁音奔息賁喘急也微滑者為上下出血瀦甚者為嘔血微瀦者為鼠瘻在頸支腋之間下不勝其上其應善瘦瘦音酸假令心部應得浮大而散者為常急緩沉瀦為外干之變大甚微大為自干之變此越人十變法也靈樞則曰心脈急甚者為癩癧癩音翅癧音縱筋脈引急曰癧弛長曰癧微急者為心痛引背食不下緩甚者為狂笑微緩者為伏梁在心下上下行時唾血伏梁心之積氣大甚者為喉呿呿音介喉呿聲微大者為心瘰引背善淚出小甚者為善噦噦於決切音駝噦氣逆而作聲也微小者為消瘴滑甚者為善渴微滑者為

醫林指月

學古診則第一訣

陰陽為氣 盛衰以得 病形之為 實乃靈樞 大法也 此言第二 形血脈之 以候心之 脈之正變 微徵甚 以參證 此言第三 膈肌肉之 形骸合脾 以候脾得 脈之正變 微徵甚 以參證 此言第四 膈筋之形 候肝得脈 之正變微 徵甚以參 證 此言第五 膈骨之形 候腎得脈 之正變微 徵甚以參 證

心疝引臍。少腹鳴。瀦甚者為瘖。瘖音音聲瘖也微瀦者為血溢維厥。耳鳴癩疾。維厥四維厥逆也假令脾部應得和而緩

者為常。急大沉瀦為外干之變。緩甚微緩為自干之變。此越人十變法也。靈樞則曰：脾脈急甚者為瘖癰。

微急者為膈中食飲入而還出後沃沫。沃音屋水在然貌言多涎沫如水之泛也緩甚者為痿厥。微緩者為風痿。四肢不用。心

慧然若無病。病在經絡而心藏無恙故大甚者為擊仆。擊仆如有人擊之而仆地微大者為疝氣。腹裏大。膿血在腸胃

之外。小甚者為寒熱。微小者為消痺。滑甚者為瘰癧。瘰與癩同音類瘰音隆瘰癧疝病也。又一云瘰疝也。瘰勝脫不利也微滑者為蟲毒蝮

蝎腹熱。蝮音回蝎音歇腹中蟲也瀦甚者為腸瘖。微瀦者為內瘖。多下膿血。假令肝部應得牢而長者為常。緩大沉瀦

為外干之變。急甚微急為自干之變。此越人十變法也。靈樞則曰：肝脈急甚者為惡言。微急者為肥氣在

脇下。若覆杯。肥氣肝之積氣在左脇下緩甚者為善嘔。微緩者為水瘕痺。水瘕水積也。瘕音如亦音假大甚者為內癰。善嘔衄。衄泥音性鼻

微大者為肝瘕。陰縮。欬引少腹。小甚者為多飲。微小者為消痺。滑甚者為瘰癧。微滑者為遺溺。瀦

甚者為溢飲。微瀦者為瘖。擊筋瘖。擊音鬱筋急縮也假令腎部應得按之濡。舉指來疾者為常。急緩大瀦為外干

之變。沉甚微沉為自干之變。此越人十變法也。靈樞則曰：胃脈急甚者為骨癩疾。微急者為沉厥。奔豚。足

不收。不得前後洩。奔豚者腎之積氣發于少腹上至心下若豚狀或上或下無時緩甚者為折脊。微緩者為洞。洞者食不化。下噎還出也。

大甚者為陰痿。微大者為石水。起臍以下至小腹。腫睡然。上至胃脘。死不治。石水者水凝結于少腹沉小堅在下也。睡音垂重墜也

此考靈樞
越人六五
之異同生
克邪氣病
形之差別

此言既得
脈狀之真
參之尺澤
之應

此統言脈
狀大小緩
急滑澀之
效邪為多
寒多熱多
氣少血血
氣首少陽

甚者為洞泄。微小者為消瘠。滑甚者為癰瘡。微滑者為骨痿。坐不能起。起則目無所見。澹甚者為大癰。微澹者為不月。沉痔。靈樞五脈之變。計得六十。越人則去滑如沉。並去其小。五脈之變。計得五十。各不同也。夫析形成部。此上古定制。為診切第一義法。如按部診脈。得本部應顯之脈為常。異本部應顯之脈為變。即循所變微甚。便可識六邪相逢之病狀。六邪謂寒熱血氣陰陽六者之邪也。所謂調其脈之緩急大小滑澹而病變定矣。調察病變既定。更驗脈急者。尺之皮膚亦急。脈緩者。尺之皮膚亦緩。脈小者。尺之皮膚亦減而小。脈大者。尺之皮膚亦賁而起。賁音奔大也起也。脈滑者。尺之皮膚亦滑。脈澹者。尺之皮膚亦澹。凡此變者。亦有微甚。脈微尺亦微。脈甚尺亦甚。更察本部應顯之藏色。與六邪剛柔相干之兼色。而後法始備。夫脈色與尺之相應也。如桴鼓影響。不得相失也。此亦本末根葉之出候。故根死則葉枯矣。色脈形肉。不得相失者也。張景岳曰病人色脈形肉皆當詳察在色可望在脈可按其于形肉則當驗于尺之皮膚蓋以尺之皮膚診時必見而形肉之盛衰槩可知矣夫有諸中必形諸外故色之與脈脈之與形肉亦與桴鼓影響之相應本末根葉之候不失也桴音孚擊鼓杖也。雖然善調尺者不待于寸。善調脈者不待于色。能參合而行之者。可以為上。上工者十全九。知三而神且明矣。中工者十全七。知二則為神。下工者十全六。知一則為工也。觀夫諸急多寒。諸緩多熱。諸大多氣少血。諸小血氣皆少。諸滑陽氣盛。微有熱。諸澹多血少氣。微有寒。蓋六邪剛柔之本。因有別。五行之殘賊宜歸。寒熱之偏勝。血氣之多少。陰陽為氣之盛衰。以為貴者也。是故微急之見于肺者。為

氣微有少
熱多血少

此言急脈
之效見于

五位形層
循層驗證

法也

此言緩脈
之效見于

五位形層
循層驗證

法也

此言大脈
之效見于

五位形層
循層驗證

法也

此言滑脈
之效見于

五位形層
循層驗證

法也

肺寒熱。怠惰。欬唾血。引腰背胸。若鼻息肉不通。見于心者。為心痛引背。食不下。見于脾者。為膈中。食飲入而還出。後沃沫。見于肝者。為肥氣在脇下。若覆杯。見于腎者。為沉厥奔豚。足不收。不得前後。沒急甚之見于肺者。為癩疾。見于心者。為癩癧。見于脾者。亦為癩癧。見于肝者。為惡言。見于腎者。為骨癩疾。此皆多寒之所致也。微緩之見于肺者。為痿癭。偏風。頭以下汗出不可止。見于心者。為伏梁。在心上。上下行。時唾血。見于脾者。為風痠。四肢不用。心慧然若無病。見于肝者。為水痕癭。見于腎者。為洞。洞者。食不入。入隘還出。緩甚之見于肺者。為多汗。見于心者。為狂笑。見于脾者。為痿厥。見于肝者。為善嘔。見于腎者。為折脊。此皆多熱之所致也。微大之見于肺者。為肺癆。引胸背。起惡日光。見于心者。為心癆。引背。善淚出。見于脾者。為疝氣。腹裏大。膿血在腸胃之外。見于肝者。為肝癆。陰縮。欬引小腹。見于腎者。為石水。起臍以下至小腹。睡然。上至胃腕。死不治。大甚之見于肺者。為頸腫。見于心者。為喉疝。見于脾者。為擊仆。見于肝者。為內癰。見于腎者。為陰痿。此皆多氣少血之所致也。微小之見于肺者。為消瘴。見于心者。亦為消瘴。見于脾者。亦為消瘴。見于肝者。亦為消瘴。見于腎者。亦為消瘴。見于肺者。為泄。見于心者。為噦。見于脾者。為寒熱。見于肝者。為多飲。見于腎者。為洞泄。此皆血氣皆少之所致也。微滑之見于肺者。為上下出血。見于心者。為心疝。引臍。小腹鳴。見于脾者。為蠱毒。蝟蝟腹熱。見于肝者。為遺溺。見于腎者。為骨痿。坐不能起。起則

此言瀉
急大小滑
瀉之下諸
字多字之
意

此言刺急
刺後刺滑
刺刺大
刺小六腑

各部
之微甚
部參證
部參證

其為并樂
俞經合也

前首因皮
毛而脈肌
肉筋骨之
形骸合肺
心脾肝腎

目無所見滑甚之見于肺者為息實上氣見于心者為善渴見于脾者為瘰癧見于肝者為瘰癧見于腎者為瘰癧此皆陽氣盛微有熱之所致也微瀉之見于肺者為鼠瘻在頸支腋之間下不勝上其應善瘰見于心者為血溢維厥耳鳴癩疾見于脾者為內瘰當下膿血見于肝者為瘰癧筋瘰見于腎者為不月沉痺瀉甚之見于肺者為嘔血見于心者為瘡見于脾者為腸瘰見于肝者為溢飲見于腎者為大癰此皆多血少氣微有寒之所致也斯之謂為諸急為諸緩為諸大為諸小為諸滑為諸瀉也即諸急之多寒多屬于寒也諸緩之多熱多屬于熱也諸大之多氣少血多屬于多氣少血也諸小之氣血皆少多屬于氣血皆少也諸滑之陽氣盛微有熱多屬于陽氣盛微有熱也諸瀉之多血少氣微有寒多屬于多血少氣微有寒也是故刺急者深內而久留之內音納下同刺緩者淺內而疾發針以去其熱刺大者微瀉其氣無出其血張景岳曰脈大者多陰虛故戒以無出其血刺滑者疾發針而淺內之以瀉其陽氣而去其熱刺瀉者必中其脈隨其逆順而久留之必先按而循之已發針疾按其痛無令其血出以和其脈循摩按也痛諸小者陰陽形氣俱不足勿取以針而調以甘藥也張景岳曰脈小者氣血俱虛必不可刺而當調以甘藥甘之一字聖人俱盛胃氣弱則五藏俱虛胃屬土而喜甘故中氣不足者非甘溫不可土強則金王金王則水充此所以土為萬物之母而陰陽俱虛者必調以甘藥也黃帝曰五藏六府之氣榮俞所入為合令何道從入入安連過井者脈氣由此而出如井泉之發其氣正深故曰井溜急流也榮小水

之神藏參
應脈證而
法針之此
則因合審
穴推及六
府微諸藏
形法取穴
數以書宜
是為順逆
也比之柔
千府剛千
應者大有
屬陰

也脈出于井而流于此其氣尚微者如之故曰榮注灌注也俞輸運也脈注于此而輸于彼其氣漸盛者如之故曰俞經者脈氣大行經營于此為正盛之處故曰經合者脈氣至此漸為收藏入合于內故曰合張景岳曰五藏六府皆有五俞五俞之所入為合即各經之合穴也然手之三陽岐伯曰此陽脈之別入復有連屬上下氣脈相通者亦謂之合故以此入安連過為問○榮音榮俞音恕岐伯曰此陽脈之別入于內屬于府者也明手之三陽下合在足也曰榮俞與合各有名乎曰榮俞治外經合治內府榮俞氣故可治外經之病合則氣脈深入故可治內府之病曰治內府奈何曰取之于合曰合各有名乎曰胃合于三里大腸合入于巨虛上廉小腸合入于巨虛下廉三焦合入于委陽膀胱合入于委中央膽合入于陽陵泉曰取之奈何曰取之三里者低跗取之巨虛者舉足取之委陽者屈伸而索之委中者屈而取之陽陵泉者正豎膝予之齊下至委陽之陽取之取之外經者揄申而從之揄音于引也抒也言取外經者當引伸四體使經脈流通然後從取之也曰願聞六府之病曰面熱者足陽明病魚絡血者手陽明病魚寸口以兩跗之上脈豎陷者足陽明病此胃脈也足而為跗兩陽脈也豎者堅而實陷者弱大腸病者腸中切痛而鳴濯濯冬日重感于寒即泄瀉膺而痛不能久立與而虛皆是足陽明胃脈之病胃脫當心而痛上支兩腋膈咽不通食飲不下取之三里廣韻膜肉胃同候取巨虛上廉胃病者腹臌脹胃脫當心而痛上支兩腋膈咽不通食飲不下取之三里廣韻膜肉與臌同昌其切膈胸膈在心脾之間釋名曰膈小腸病者小腹痛腰脊控辜而痛時窘之後當耳前熱若塞也管上下使氣與穀不相亂也咽食管也小腸病者小腹痛腰脊控辜而痛時窘之後當耳前熱若寒甚若獨肩熱甚及手小指次指之間熱若脈陷者此其候也手太陽病也取巨虛下廉控音空去聲腎丸也張景岳曰小腸氣化于小腹後附腰脊下引畢丸三焦病者腹氣滿小腹尤堅不得小便窘急陰其為諸痛及不得大小便而時窘之後蓋即瀉之屬也

此統緒靈
樞諸離之
所由來立
義引異之
差則雖然
先聖後聖
其機一也
或謂中古
以下不可
語以上古
歟合參經
難權實有
時權實有
定也

則為水留即為脹。候在足太陽之外大絡。大絡在太陽少陽之間。亦見于脈。取委陽膀胱病者。小腹偏腫

而痛。以手按之。即欲小便而不得。肩上熱。若脈陷。及足小指外廉。及蹻踝後皆熱。若脈陷。取委中央。蹻音

膝以下附以上之長骨也。蹻音跨。骨在跨上之兩旁。確然隆起者。膽病者。善太息。口苦。嘔宿汁。心下澹澹。恐人將捕之。噤中吟吟然。數唾

在足少陽之本末。亦視其脈之陷下者灸之。其寒熱者。取陽陵泉。澹澹。恐懼不甯也。噤音益。喉也。吟音介。吟有聲也。曰刺之亦有

道乎。曰刺此者。必中氣穴。無中肉節。中氣穴。則針染于巷。中肉節。即皮膚痛。張景岳曰。經氣所至是謂氣

也。巷道也。中其氣穴。則針著脈道而經絡通。中其肉節。則于病無當。而反為皮膚痛。害。補寫反。則病益篤。中筋則筋緩。邪氣不出。與其真相搏。亂而

不去。反還內著。用針不審。以順為逆也。由此觀之。其府于藏。藏于藏。剛為藏。柔為府者。似非拈定五藏傳

乘之遞次。五邪五干之疊移。顧此寒熱血氣陰陽之為邪。是即肺心脾肝腎五神藏。皮毛血脈肌肉筋骨

五形藏。各具寒熱血氣陰陽微甚而成病。誠所謂皮毛者肺之合。血脈者心之合。肌肉者脾之合。筋者肝

之合。骨者腎之合。是以諸急。尺之皮膚亦急。諸緩。尺之皮膚亦緩。諸大。尺之皮膚亦賁而起。諸小。尺之皮

膚亦減而少氣。諸滑。尺之皮膚亦滑。諸澹。尺之皮膚亦澹。澹則多血少氣。微有寒。滑則陽氣盛。微有熱。小

則血氣皆少。大則多氣少血。緩則多熱。急則多寒。形與藏相參。藏與形相應。陰陽血氣寒熱。交相參應。而

病作矣。至六府雖未徵有脈狀。亦不越寒熱血氣陰陽微甚之為。皆總難踰靈樞立論之本意。第人未之

思耳。至若靈樞藏府病形法。交互行持。無往非評脈審疾。析理窮源之捷徑。故不才語多支蔓。意多重複。至疊引經言。非無故也。語多支蔓意多重複是先生一片苦心教人處恐人不會其意故于此明言之乃世人猶有讀此帙而議其支蔓重複者吾未如之何矣更得推而廣之。亦可假緩急大小溜滑諸法。施于三部六位。左右手上下部。推上下推內外。四時六十首。氣口人迎互為證明。十二經脈。交相料簡。陰陽二十五人。各有宜忌。所謂化而裁之存乎變。推而行之存乎通。神而明之存乎人矣。

右第七段言脈有輕重分析形層為五合肺心脾肝腎五神藏之效象叶越人一脈輒變為十之剛柔邪參靈樞一脈微甚輒變一十有二邪氣藏府病形

學古診則第二候

錢唐盧之頤子繇甫緝正

人三部而九候之統尺澤動脈分寸關尺三部部各有浮中沉三候木部九候水部九候身三部各三部部各三候各法天法人法地而九候之今經傳並載而傳約殊途專習容實擬確詳略之故當自有辨此言越人三部九候三指法也此言越人該攝部候會諸尺澤原始之要略

一脈有三部九候。三部者寸關尺也。九候者浮中沉也。部各有三候。三而三之。合為九候。以應九體也。寸者部之上。上以法天。主胸以上至頸之疾。而頭至胸。體又分三焉。為天中天。天中人。天中也。關者部之中。中以應人。主膈以下至臍之疾。而臍至膈。體又分三焉。為人中天人。人中地。人中地也。尺者部之下。下以法地。主臍以下至足之疾。而足至臍。體又分三焉。為地中天。地中人。地中地也。其法三指齊截。中指置關之上。食指置關之前。無名指置關之後。度人之長短。以排指。先接後舉。更度人之肥瘠。緩急。均分為三。初按以驗浮。次按以驗中。又次按以驗沉。切其往來上下。人與脈相參應。浮中與沉。等無偏倚者。平人之常脈也。設或參差。察見何部。專指定候。以判其體。至脈來效象。亦不越診切十法。以驗寒熱。血氣陰陽之偏勝。或內所因。或外所中。或不內與外。或形于氣。或氣于形。為用真無盡藏。宜審而別之。一法也。夫三部之候。始自岐伯。越人則會通體之三停。該攝太陰之氣口。以本藏氣者。必因于胃氣。乃能至于手太陰。著見于氣口。而為尺寸。如泉脈之始出。色味純一。乃可察地土之優劣。設合流川瀆。則各隨川瀆之風土。其優劣遂不同矣。第攝歸太陰。祇準素問中部之法。天以候肺。為一體之肯綮。如欲循九體之常變。必診候體

此得靈樞
專部之候
詳確斯無
疑二擬度
固屬簡易
記終歸

掃摩且部
各有異脈
則隨證深
形遊經學
古法不踰

此言上部
之法天地
人

此言中部
之法天地
人

此言下部
之法天地
人

此言下部
之法天地
人

此言下部
之法天地
人

此言下部
之法天地
人

此言下部
之法天地
人

此言下部
之法天地
人

此言下部
之法天地
人

部之專而後效象乃確。倘中部之候雖獨調而與眾藏相失者。或與眾藏相減者。則莫可依據。不若遵古

九候者之無疑也。岐伯云。天地至數始于一。終於九。一者天。二者地。三者人。因而三之。三三者九。以應

九野。故人有三部。部有三候。以決死生。以處百病。以調虛實。以除邪疾也。所謂部有三。上中下也。部各三

候。天地人也。必指而導之。乃以爲真。上部天。兩額之動脈。在額兩傍。動應于手。足少陽脈氣之所行也。上

部也。兩頰之動脈。在鼻孔下兩傍。動應于手。足陽明脈氣之所行也。上部人。耳前之動脈。在耳前陷者中。

動應于手。手少陽脈氣之所行也。中部天。手太陰也。在掌後寸口中。是謂經渠。動應于手。手太陰肺脈之

所行。中部地。手陽明也。在手大指次指歧骨間。合谷之分。動應於手。手陽明大腸脈之所行。中部人。手少

陰也。在掌後銳骨之端。神門之分。動應於手。手少陰心脈之所行。下部天。足厥陰也。在羊矢下一寸半陷

者中。五里之分。臥而取之。動應于手。女子則取太衝。在足大指本節後二寸陷者中。動應于手。咸屬足厥

陰肝脈之所行。下部地。足少陰也。在足內踝後跟骨上陷者中。太谿之分。動應于手。足少陰腎脈之所行。

下部人。足太陰也。在魚腹上。越兩筋間。直五里下。箕門之分。寬鞏足單衣沉取乃得之。動乃應於手。足太

陰脾脈之所行也。鞏裏。若候胃氣者。當取足跗之上。衝陽之分。穴中之脈動。乃應於手。足陽明胃脈之所行。

故下部之天以候肝。足厥陰之脈行其中也。地以候腎。足少陰之脈行其中也。人以候脾胃之氣。足太陰

脾法兩脾與胃相連人以胃為本故候脾兼候胃矣脾與胃以中部之天以候肺手太陰脈當其處也地以候胸中之氣手陽明脈當其處也胃脘通於胸中故以候胸中人以候心手少陰脈當其處也上部之天以候頭角之氣位在頭角之分故候頭角之氣也兩額之動脈當頭角之分地以候口齒之氣位在口齒之分故候口齒之氣也兩頰之動脈當口齒之分人以候耳目之氣位在耳前脈抵於目外皆故候耳目之氣也耳前脈兼抵于目之外皆蓋三部者各有天各有地各有人三而成天三而成地三而成人三而三之合則為九九分為九野九野者九州分野天上之二十八宿九野為九藏故形藏四神藏五合為九藏蓋九野者天分之為九野地別之為九州而人應之為九藏非謂九藏稱九野也神藏五者肺藏魄心藏神脾藏意肝藏魂腎藏志是為神藏五形藏四者一頭角二耳目三口齒四胸中是為形藏四合為九藏也所謂五藏者為五神所居之處所謂四藏者如器外張虛而不屈含藏於物而不洩是以五藏已敗四形乃壞其色必天矣必死矣天者其色枯槁而不候之之法必先度其形之肥瘦以調其氣之虛實實則瀉之虛則補之必先去其血脈而後調之無問其病以平為期無問其病之進退增減而求速效如形盛脈細少氣不足以息者危形瘦脈大胸中多氣者死形氣相得者生參伍不調者病三部九候有相得者有相失三部九候皆相失者死上下左右之脈相應如參春者病甚上下左右相失不可數者死

此言九候之法兼度形之肥瘦與氣之虛實以決死生

脾法兩脾與胃相連人以胃為本故候脾兼候胃矣脾與胃以中部之天以候肺手太陰脈當其處也地以候胸中之氣手陽明脈當其處也胃脘通於胸中故以候胸中人以候心手少陰脈當其處也上部之天以候頭角之氣位在頭角之分故候頭角之氣也兩額之動脈當頭角之分地以候口齒之氣位在口齒之分故候口齒之氣也兩頰之動脈當口齒之分人以候耳目之氣位在耳前脈抵於目外皆故候耳目之氣也耳前脈兼抵于目之外皆蓋三部者各有天各有地各有人三而成天三而成地三而成人三而三之合則為九九分為九野九野者九州分野天上之二十八宿九野為九藏故形藏四神藏五合為九藏蓋九野者天分之為九野地別之為九州而人應之為九藏非謂九藏稱九野也神藏五者肺藏魄心藏神脾藏意肝藏魂腎藏志是為神藏五形藏四者一頭角二耳目三口齒四胸中是為形藏四合為九藏也所謂五藏者為五神所居之處所謂四藏者如器外張虛而不屈含藏於物而不洩是以五藏已敗四形乃壞其色必天矣必死矣天者其色枯槁而不候之之法必先度其形之肥瘦以調其氣之虛實實則瀉之虛則補之必先去其血脈而後調之無問其病以平為期無問其病之進退增減而求速效如形盛脈細少氣不足以息者危形瘦脈大胸中多氣者死形氣相得者生參伍不調者病三部九候有相得者有相失三部九候皆相失者死上下左右之脈相應如參春者病甚上下左右相失不可數者死

此言經常
病變之脈
以九候變
相參應以
決死生之

相失而至于不可數則必死矣。中部之候雖獨調於眾藏相失者死。中部之脈雖調而上部下部衆

部之脈減于上下二部。目內陷者死。五藏六府之精皆上注于目而為至病之所在。察九候獨小者病。獨

大者病。獨疾者病。獨遲者病。獨熱者病。獨寒者病。獨陷下者病。所謂七診之法也。陷以左手足上去踝

五寸而按之。庶右手當足踝而彈之。庶者近也。近右手足之當踝而彈之也。其應過五寸以上。蠕蠕然者

不病。其應疾。中手渾渾然者病。中手徐徐然者病。其應上不能至五寸。彈之不應者死。蠕音如蠕。蠕蟲行

和平有若蟲之蠕動。功疾急疾也。渾渾濁濁。是以脫肉身不去者死。身不去者。身不能行也。肉脫者脾胃敗

而不分明之狀。徐徐遲慢而衰弱之狀。筋骨中部乍疎乍數者死。中部指兩手寸口之脈。乍

敗也。中部乍疎乍數者死。疎乍數胃氣衰敗之徵。其脈代而鈎者死。病在脈絡。張景岳曰。代而鈎者俱

知病在脈絡。九候之相應也。上下若一不得相失。一候後則病。二候後則病甚。三候後則病危。所謂後者應不

俱也。應不俱者。應之不同一也。察其府藏以知死生之期。後者是或先或後而不齊。一即上文參伍不調之謂。必先知經脈。然後知

病脈。經脈者。平人不病之常脈也。知常乃可達變。爾如真藏脈見者勝死。若肝之懸絕弦。心之懸絕鈎。肺

之懸絕毛。腎之懸絕石。脾部若雀之喙。水之流。屋之漏下。此皆真藏脈見。無胃氣者之為逆也。逆者死。懸

謂其大異于常。如肝木本絃。今乃喙之。至于極甚而胃氣全亡矣。下倣此喙音晦。雀之喙。勝死者。謂勝克於

陰言堅銳不柔也。水之流去而不返也。屋之漏下。點滴無倫也。俱是無胃氣之怪脈。勝死者。謂勝克於

己之時則死矣。故肝見庚辛死。心見壬癸死。脾見甲乙死。肺見丙丁死。腎見戊己死。城謂勝死也。然此真

藏脈之病
二氣之皮
當微之肌
毛筋脈肌
肉筋膜骨
髓之合以
決死生之
克勝

藏脈見者。見太陰之氣口。而以九候。交相參應。以決死生者也。真藏脈見于寸口。變端呈矣。然又必兼足九候之凶象而決之。死生可以不爽也。

太陽氣絕者。其足不可屈伸。死必戴眼。張景岳曰。足太陽之脈下者合腦中貫睛內。出外踝之後。上者起目內眦。其脈有通項入于腦者。正屬日本名曰眼系。故太陽氣絕。

血枯筋急。足不可屈伸。死必戴眼。戴眼。戴眼者。睛上視而瞪也。經脈云。手太陰氣絕。則皮毛焦。太陰者。行氣溫於皮毛者也。故氣不榮。則皮

毛焦。皮毛焦。則津液去。皮節。津液去。皮節者。則爪枯毛折。毛折者。則毛先死。丙篤丁死。火勝金也。手太陰而屬金。肺也。肺

主皮毛。手少陰氣絕。則脈不通。脈不通。則血不流。血不流。則髮色不澤。故其面黑如漆。柴者。血先死。壬篤

癸死。水勝火也。手少陰心也。心主血脈而屬火。足太陰氣絕者。則脈不榮肌肉。唇舌者。肌肉之本也。脈不榮。則肌肉軟。肌

肉軟。則舌萎。人中滿。人中滿。則唇反。唇反者。肉先死。甲篤乙死。木勝土也。足太陰脾也。脾主肌肉而屬土。足少陰氣絕。則

骨枯。少陰者。冬脈也。伏行而濡骨髓者也。故骨不濡。則肉不能著也。骨肉不相親。則肉軟却。肉軟却。故齒

長而垢。髮無澤。髮無澤者。骨先死。戊篤己死。土勝水也。足少陰腎也。腎主骨而屬水。濡音儒。潤澤也。足厥陰氣絕。則筋絕。厥陰

者。肝脈也。肝者筋之合也。筋者聚於陰器。而脈絡於舌本也。故脈弗榮。則筋急。筋急。則引舌與卵。故唇青

舌卷卵縮。則筋先死。庚篤辛死。金勝木也。足厥陰肝也。肝主筋而屬木。五陰氣俱絕。則目系轉。轉則目運。目運者。為志

先死。志先死。則遠一日半死矣。張景岳曰。五藏之精皆上注于目。故五陰氣絕。則目轉。而運為志先死之兆。蓋志藏腎陰之神也。真陰已絕。死在周日間耳。今人有病劇而目忽無

所見者。正陰氣竭絕之候。六陽氣絕。則陰與陽相離。離則腠理發泄。絕汗乃出。故旦占夕死。夕占旦死。張景岳曰。汗本陰精。固于陽氣

此言日分
四季之時
以決死期

此言形肉
已脫九
候之謂也
以決死生

陽氣絕則陰陽相離而腠理不閉脫汗乃出死在頃刻間矣

辨脈云脈浮而洪身汗如油喘而不休水漿不下形體不仁乍靜乍亂此為命絕也

水漿不下胃氣已敗也形體不仁肝腎將絕也乍靜乍亂陰陽相離也又未知何藏先受其災

若汗出髮潤而不休者此為肺先絕也汗出髮潤者即上文陽反獨留形體如烟熏直視搖頭者此為

心絕也人之生也全藉陰陽二氣而陽氣為尤要所謂分陽未盡則不死是也然陰氣既脫陽氣無所附

麗其獨留也亦不過暫時之淹留不久而亦亡矣直視者心脈絕之徵搖頭者頭為諸陽之會陰

氣已絕孤陽失依故昏吻反青四肢黎習者此為肝絕也黎音蟄方中行曰黎汗出貌習鳥數飛也

為動擾不甯之象昏吻反青四肢黎習者此為肝絕也黎音蟄方中行曰黎汗出貌習鳥數飛也環口

黧黑柔汗發黃者此為脾絕也柔汗冷洩便遺失狂言目反直視者此為腎絕也又未知何藏陰陽先絕

若陽氣前絕陰氣後竭者其人死身色必青陰氣前絕陽氣後竭者其人死身色必赤腋下温心下熱也

並錄以補遺闕辨脈以下之詞乃仲景傷寒論錄之本論云九候之脈皆沉細懸絕者為陰主冬故必夜

半死盛躁喘數者為陽主夏故以日中死是故寒熱病者以平旦死熱中及熱病者以日中死病風者以

日夕死病水者以夜半死其脈乍疎乍數乍遲乍疾者日乘四季死日乘辰戌丑未四季日

時而死也一日擬一歲平旦者春也日中者夏也日暮者秋也夜半者冬也夜半陰盡陽生故陰極者

氣木值秋金則剋故病風者以日夕死夜半水旺之時故病水者以夜半死乍疎乍數乍遲乍疾其脈

變遷不常者中虛無主也四季者五行之墓地故敗竭之藏遇之而死形肉已脫九候雖調猶死七診雖見九候皆從者不死也所言不死者風氣之病及經月之病似七診之病而非也故言

此言病見
經絡與孫
逆所見以
法針以平
易期切從
先後以決
死生之別

此引總人
至至脈貫
脈之別
下上上下
大宜體會

不死。若有七診之病。其脈候亦敗者死矣。其死也必發噦。噦。噦於決切喉逆也。噦音伊。又音隘。噦氣也。必
審問其所始病。與今之所方病。而後各切循其脈。視其經絡浮沉。以上下逆從循之。其脈疾者不病。其脈
遲者病。脈不往來者死。皮膚著者死。疾者力強有神。遲者氣衰不足。脈不往來者陰其經病者治其經。孫
絡病者治其孫絡。血病身有痛者治其經絡。脈道之正者為經。其支而橫者為絡。絡之小者為孫絡。即絡脈之別而浮于肌膚者也。其病在奇邪
者。奇邪之脈則繆刺之。奇邪者。奇繆不偶之氣。而與經絡繆處也。故繆刺之繆刺者。刺絡脈。左取右。而右
取左也。奇邪者不入于經而病于絡也。邪客大絡則左注右右注左。其氣無常處。故當繆刺之。繆與謬同。留瘦不移。節而刺之。留瘦者。淹留病氣。減瘦形
容。證不移。則消息節級。養而刺之。所謂無問其病。以平為期也。上實下虛。切而從之。索其結絡脈。刺出
其血。以見通之。索其結者。先去血脈。而後調之。明其結脈乃先去也。切切其脈而求其病之所在也。從從
滯于絡脈之間。當刺出其血。結滯既去。而後氣血之流通。與否可以見矣。瞳子高者。太陽不足。戴眼者。太陽已絕。以決死生之要。不可不察也。
瞳子高者。目上視也。戴眼者。上視之甚。而定直不動也。此又重明足太陽之證。而分其輕重。以決死生。

右第八段詳言三部九候之法。錯引內經難經異同傳約之說。

一脈有損。至越人云。至之脈。一呼再至曰平。三至曰離經。四至曰奪精。五至曰死。六至曰命絕。此至之脈
也。何謂損。一呼一至曰離經。再呼一至曰奪精。三呼一至曰死。四呼一至曰命絕。此損之脈也。至脈從下

上損脈從上下也。平人之脈一呼再至一吸再至呼吸定息脈凡四至加之則為過越人所謂損脈之為
 病奈何。一損損於皮毛。皮聚而毛落。蓋皮毛者肺之合。以皮毛之損。即知其肺之損也。損其肺者益其氣。
 二損損於血脈。血脈虛少不能榮於五藏六府。蓋血脈者心之合。以血脈之損。即知其心之損。損其心
 者調其營衛。三損損於肌肉。肌肉消瘦。藏食不能為肌膚。蓋肌肉者脾之合。以肌肉之損。即知其脾之損
 也。損其脾者調其飲食。適其寒溫。四損損於筋。筋緩不能自收持。蓋筋者肝之合。以筋之損。即知其肝之
 損也。損其肝者緩其中。五損損於骨。骨痿不能起於牀者死。蓋骨者腎之合。以骨之損。即知其腎之損也。
 損其腎者益其精。此治損之法也。肺主氣故治肺損者宜益其氣。心主血脈故治心損者宜調其榮衛。榮
其寒溫者如春夏食涼食冷。秋冬食溫食熱。且不特飲食。凡衣服起居各當其時。皆是也。肝主血。血虛則
中不足。一云肝主怒。怒能傷中氣。故治肝損者宜緩其中。經曰肝苦急。急食肝以緩之。緩者和也。腎藏精
腎受損則精必不足。故治腎者宜益其精。反此者至。蓋所謂至者。先筋緩不能自收持。次肌肉消瘦。飲食不能為肌膚。次血脈
 虛少。不能榮於五藏六府。次皮聚而毛落。此至脈之為病也。至脈從下上者。下筋骨而上皮毛。故從下上
 者。皮聚而毛落者死。損脈從上下者。上皮毛而下筋骨。故從上下者。骨痿不能起於牀者死。某氏曰下上
傷之從內而外也。上下之為顧損也。至也。不越統體之至數。其為病也。不外肺心肝脾腎之五神藏。參合
損即感傷之從外而內也。皮毛血脈肌肉筋骨之五形藏。請形藏致于神藏亦可。神藏致于形藏亦可。即于神藏也。亦屬藏形之為

距百脈增
于常者為

此百脈減
于常者為

害故獨著形軀之剝落。而無與藏神之勝剋。所謂形不神俱。此為自傷。氣之削也。脈來一呼再至。一吸再
 至。不大不小曰平。一呼三至。一吸三至。為適得病。適得病謂前大後小。即頭痛目眩。前小後大。即胸滿氣
 短。一呼四至。一吸四至。病欲甚。脈洪大者。苦煩滿。沉細者。腹中痛。滑者。傷熱。澹者。中霧露。滑伯仁曰。脈洪
 在高也。脈沉細者。腹中痛。病在下也。滑為傷熱。熱傷氣而不傷血。血自一呼五至。一吸五至。其人當困。沉
 有餘故脈滑也。澹為中霧露。霧露之寒傷人。榮血受寒故脈澹也。一呼五至。一吸五至。其人當困。沉
 細夜加。浮大晝加。不大不小。雖困可治。其有大小者。為難治。滑伯仁曰。脈至一呼五至。一吸五至。其人必
 也。故主夜甚。浮大順晝。陽也。故主晝甚。若不一呼六至。一吸六至。為死脈也。沉細夜死。浮大晝死。一呼一
 見二脈。人雖困。猶可治。大小即浮大沉細也。
 至一吸一。至名曰損。人雖能行。猶當著床。所以然者。血氣皆不足故也。再呼一至。再吸一至。再呼吸至。名
 曰無魂。無魂者。當死也。某氏曰。無魂無肝木之生氣也。人雖能行。名曰行屍。此亦不越統體。至數與往來。復兼形體部位。
 舉按去來諸法矣。蓋病形別異于前證者。謂不獨形藏之為。或復具有身相之三停。或內或外。或不內
 外之為。因或陰或陽。或血氣或魂魄之消耗。交相顯錯。以為病態者耳。至上部有脈。下部無脈。其人當吐。
 不吐者死。紀天錫曰。上部有脈。下部無脈。若是邪實。并于上者。上部無脈。下部有脈。雖困無能為害。所以
 法當吐也。若無吐證。是上無邪而下氣竭也。故當死。然者。人之有尺。譬如樹之有根。枝葉雖枯。槁根本將自生。脈有根本。人有元氣。故知不死。此則罔與乎呼
 吸之至數。宜應獨著乎往來之部位者矣。蓋脈來之損至。即脈至之疾徐。至固不離于至。而損能獨外于

婦人帶損
 至之為病
 木之玉機
 藏之五
 遊所異者
 國人之損
 先皮毛而
 後筋骨玉
 機之五瘳
 先大骨而
 後毛折體
 者尤宜早
 辨證食氣
 入胃散精
 淫氣先筋
 骨而後肌
 肉而後血
 脈而後皮
 毛形之
 所始也
 宜乎毛折
 乃死舍本
 驟棄其末

至乎其為病也。先皮聚而毛落。漸骨痿不能起于床者有之。先筋緩不能自收持。漸皮聚而毛落者亦有之。其皮聚毛落。必參夫脈至之徐為損。其筋緩不能自收持。必應夫脈至之疾為至。則亦未盡然矣。何也。

緣損至之為病。未盡徵有損至之為脈。或至病而脈至徐者有之。或損病而脈至疾者亦有之。由此觀之。

但可云。從下上者至之病。從上下者損之病。不可云。損脈之為病。至脈之為病也。即至病與損病。本玉機

真藏之五瘳。瘳閉也。如邪閉于肺。即為肺瘳。邪閉于肝。即為肝瘳。瘳有五。故有五瘳。此獨統徵之皮毛筋骨。而曰損與至也。玉機云。大骨枯

槁。大肉陷下。胸中氣滿。喘息不便。其氣動形。期六月死。張景岳曰。大骨大肉皆以通身而言。如肩脊腰膝。

敗是大骨枯槁也。尺膚既削。臂肉亦枯。是大肉陷下也。腎主骨。骨枯則腎敗矣。脾主肉。肉陷則脾敗矣。肺

主氣。氣滿。喘息則肺敗矣。氣不歸原。形體振動。則孤陽外浮。而真陰虧矣。三陰虧損。死期不出。六月六月

者一歲陰傷。蓋骨肉脫。氣無相接。舉聳肩背。遠求報息。肺先絕矣。真藏脈見大而虛。如以毛羽中人膚

之更變也。色白赤不澤。毛折乃死。張景岳曰。大而虛。如以毛羽中人膚。浮虛無力之甚。而非微毛之本體。乃肺之真

血氣而充毛折。則精氣敗矣。故皆死。毛折。即上直。覆毛落之謂。經云。真藏脈見。大骨枯槁。大肉陷下。胸

中氣滿。喘息不便。內痛引肩項。期一月死。張景岳曰。內痛引肩項。病及心經矣。較前

燔金。罹火刑。內痛引肩項。心先絕矣。真藏脈見。堅而搏。如循薏苡子。累累然。色赤黑不澤。毛折乃死。張景

堅而搏。如循薏苡子者。短實堅。顯而非微。筋之本體也。心之真。大骨枯槁。大肉陷下。胸中氣滿。喘息不便。

為腎人
補損至之
平人氣象
脈至之常
變因文有
同異道古

內痛引肩項身熱脫肉破腦期十日之內死或一月之內死張景岳曰身熱者陰氣微也脫肉者肌肉消盡也破腦者臥久骨露而筋肉敗也是為五
癰俱傷而真藏脈又見當十日內死十日者天干盡而旬氣易也○腦筋允切音審筋肉結聚之處也醫
元子曰肘膝後肉如塊者或一月之內死今素問中無此六字或別本有之否則虛君有所證而以意增
之蓋陰氣微竭陽氣內焦身熱如灼腦肉破脫脾先絕矣真藏脈見弱而乍數乍疎色黃青不澤毛折乃

死張景岳曰弱而乍數乍疎則和緩全無而非微與弱之本體乃脾之真藏脈也黃本土色而兼青不澤木克土也大骨枯槁大肉陷下肩髓內消動作益衰真

藏未見期一歲死張景岳曰骨枯肉陷脾腎已虧兼以肩髓內消動作益衰雖諸證未全真藏未見而敗竭已兆僅支一年歲易氣新不能再振矣蓋精涸髓消缺盆益

墮衰于動作酬酢漸微腎先絕矣真藏脈見搏而絕如彈石辟辟然色黑黃不澤毛折乃死張景岳曰搏也如指彈石辟辟然沉而堅也皆非微石之本體乃腎之真藏脈也黑本水色兼黃不澤者土克水也大骨枯槁大肉陷下胸中氣滿腹內痛心中不便肩

項身熱破腦脫肉目眶陷蓋肝氣通于心抵腹布脇開竅于目目神精墮肝先絕矣真藏脈見中外急如

循刀刃責責然如按琴瑟絃色青白不澤毛折乃死目不見人立死其見人者至其所不勝之時則死張

岳曰五藏敗證俱見而目眶陷真藏脈顯目不見人神氣俱脫故當立死若能見人者神氣猶在可以延

至尅賊之時而死其脈中外急如循刀刃責責然如按琴瑟絃言其細急堅搏而非微絛之本體乃肝之

真藏脈也青本木色而顯藏分五癩亦不越形體外內下之次第此則先大骨而後毫毛也至呼吸疾

兼白不澤者金尅木也徐之曰損至者亦本平人氣象脈至之常變曰人一呼脈再動一吸脈亦再動呼吸定息脈五動閤以太

息命曰平人出氣曰呼入氣曰息一呼一吸為一息平人之脈一呼兩動一吸亦兩動呼吸定息謂前息已盡而後息未起之際脈又一動故曰五動閤餘也常息之外間有一息甚長者是為閤以

大息蓋指月之義。五平人者不病也。常以不病調病人。醫不病。故為病人平息以調之。為法。不病者其動之外又間有此脈。平人者不病也。常以不病調病人。醫不病。故為病人平息以調之。為法。不病者其

其息或緩或急而不勻。醫者不病。乃能為病人調息。以知其脈之情狀。人一呼脈一動。一吸脈一動。曰少氣。脈為血氣之徑路。而脈之運行

動減于平人之半。知其一呼脈三動。一吸脈三動。而躁。尺熱者曰病溫。既躁且疾。復應。尺之皮膚亦熱。其正氣衰竭。致然。

者病溫之所致也。尺不熱脈滑者曰病風。不躁而滑。此又病風之所致也。脈瀉曰辨。不躁而瀉。此又辨閉

之所致也。躁者急也。尺熱者言尺中近臂之處有熱。當知其道身皆熱也。脈數躁而身有熱。當知其病溫。脈數滑而尺不熱者。陽邪盛也。當知其病風。風之傷人。其變不一。不獨在于肌表。故尺不熱也。

瀉為血不調。一呼脈四動以上曰死。乍疎乍數曰死。脈絕不至曰死。其肌肉雖不脫。真藏雖不見。猶死也。故當病瘳。

譬如墮溺不可為期。一呼脈四動則一息八至矣。是藏氣已竭而失其常度之微。乍疎乍數者。陰陽將離。未脫真藏之未見而決其未至于死。譬之墮者。越人復演呼吸六至。前大後小。即頭痛目眩。前小後大。即

胸滿氣短。呼吸八至。洪大者苦煩滿。沉細者腹中痛。滑者傷熱。瀉者中露霧也。至呼吸十至。其人當困。沉

細夜加浮大。晝加不大不小。雖困可治。其有大小者為難治。呼吸十二至。沉細夜死。浮大晝死。以決陰陽

之短期。經則曰呼吸八至以上者皆死。脈也。一呼一至。一吸一至。名曰損。再呼一至。再吸一至。名曰無魂。

無魂者當死也。人雖能行。名曰行屍。死固其常。及上部有脈。下部無脈。其人當吐。不吐者

部有脈。雖困無能為害。此但可存其脈狀。未始不參應。夫病形。設必局守。至數疾徐之為。

及上下內外根枝本末以決死生矣。

右第九段辯越人脈有損至之說

一越人曰。經言脈不滿五十動而一止。一藏無氣者。何藏也。然人吸者隨陰入。呼者因陽出。今吸不能至。腎至肝而還。故知一藏無氣者。腎氣先盡也。此即四難呼出心與肺。吸入腎與肝。呼吸之間。脾受穀味也。其脈在中。為析形層五部。舉按之浮沉。以驗神形藏狀之呈象。亦可推及統體至數。往來行止者矣。倘吸不至腎而至肝。還則宜五動一止。似難五十動而後止。第止必由代。乃可予以短期。否則終屬陰陽氣結之為時。一止也。張景岳曰。後世以結促代並言。均目之為止。義夫緩而一止為結。數而一止為促。其至則或三或五或七八。至不等。然皆至數分明。起止有力。所主之病。有因氣逆痰壅而為間阻者。有因血氣虛脫而為斷續者。有因生平稟賦多滯而脈道不流利者。此自結促之謂也。比之代脈。則有不同。根結篇云。人一日一夜五十營。以應五藏之精。不應數者。名曰狂生。營運也。人之經脈運行于一身者。不應晝夜五十數。其至也。五十動而不一代者。五藏皆受氣。張景岳曰。代更代之義。謂于平脈之中。而忽見與弱或乍若此。均名為代。若五十動而不一代者。五藏皆受氣。皆足乃為和平之脈。四十動一代者。一藏無氣。三十動一代者。二藏無氣。二十動一代者。三藏無氣。十動一代者。四藏無氣。不滿十動一代者。五藏無氣。張景岳曰。靈樞根結篇。但言動止之數。以和乃添出死期。歲數曰。脈來四十投而一止者。一藏無氣。却後四歲春草生而死。脈來三十投而一止者。二藏無氣。却後三歲麥熟而死。二十投而一止者。三藏無氣。却後二歲桑椹赤而死。脈來十投而一止者。

萬引人
六十首王
時脈效參
之平人氣
象至真要
大論

四藏無氣歲中死脈來五動而一止者五藏無氣却後五日而死自後諸家言脈者皆宗其說予恐未有一藏無氣而尚活四歲二藏無氣而尚活三歲之理診者辨之予之短期要在終始

要在終始者數其至數之代計其終始如一也所謂五十動而不一代者以為常也以知五藏之期予之

短期者乍數乍疎也張景岳曰欲知其短期則在乎乍數乍疎此其時相變代乃與常代者不同蓋

動而中止不能自還因而復動名曰代也滑伯仁曰動而中止不能自還因而復動由是復止

石第十段言不滿五十動而一止之脈尋之良久乃復強起為代良久強起四字傳神妙筆

一六十首者三陰三陽之王時日大要也王各六十日六六三百六十日以成一歲蓋陰氣流行則為陽

故冬至之後得甲子則少陽王陽氣微上則陰氣微下是以少陽之至乍大乍小乍短乍長乍大乍顯

諸陽乍小乍短存乎陰也復得甲子陽明王陽氣漸盛則陰氣漸衰是以陽明之至浮大而短浮大顯諸

陽短則仍存乎陰也復得甲子太陽王陽氣已隆陰氣已息是以太陽之至洪大而長純著三陽之陽象

矣陽氣凝聚則為陰故夏至之後得甲子則太陰王陰氣微上則陽氣微下是以太陰之至緊大而長緊

始顯諸陰長大存乎陽也復得甲子少陰王陰氣漸盛則陽氣漸衰是以少陰之至緊細而微三象純著

乎陰者以少陰藏體唯藏前此之陽既衰後此之陽未育故若伏若匿統體之惟陰也復得甲子厥陰王

陰氣既隆即陽氣既兆是以厥陰之至沉短而敦沉短顯諸陰敦厚存乎陽也此蓋王脈也非病脈也

言

言

其時則見此脈。然則昔之陽。即今之陰。今之陰。即昔之陽。總一元之氣。為之環運耳。故曰陰氣流行。則為者不為病脈。陽陽氣凝聚。則為陰也。以上是越人難經中第七難之說越人本平人氣象。太陽脈至。洪大而長。少陽脈至。乍數乍疎。乍短乍長。陽明脈至。浮大而短。按時第次。復補三陰脈至之闕。以惠來學。豈小補云乎哉。至至真要大論。三百六十五日而一至者。六三計一千八百日。又六六計三百六十日。又六五計三十日。共計二千一百九十日。以成六期。未之備也。六期六年也。每六年而始一週難經中未備此說如下文所言者是也如已亥厥陰之至。其脈弦。子午少陰之至。其脈鈎。丑未太陰之至。其脈沉。寅申少陽之至。其脈大而浮。卯酉陽明之至。其脈短而澹。辰戌太陽之至。其脈大而長。壬各三百六十五日。六期還位。周而復始也。第至而和則平。至而甚則病。至而反者病。至而不至者病。未至而至者病。陰陽易者危。或脈從而病反。其至也從。按之不鼓。諸陽皆然。諸陰之反。脈至而從。按之鼓甚而盛也。和者無太過無不及是為和平之脈。甚者太過而失其中和之氣。如但鼓無胃。但鈎無胃之類。反者反見相背之脈。如應浮反沉。應大反小也。時已至而脈不應來。氣不足也。時未至而脈先至。來氣太旺也。故皆主病。乃若一氣之中。又例有司天之至。在泉之至。上下左右間。陰陽交易。正氣錯亂。失其常度。病必危殆矣。初二三四五終之至。各宜甄別。庶不至混淆莫辨也。

石第十一 段言六十首王時之脈

按素問方盛衰論云奇恆之勢乃六十首然篇中初不詳言其義王氏注謂奇恆六十首今世不存張景岳謂六十首即禁服篇所謂九針六十篇今失其傳張隱菴則謂奇恆之勢各以六十為首即診要經終篇脈解篇所論是也蓋以六十日而氣在一藏為首五藏相通而次序旋轉者也難經第十六難云問脈有六十首篇中

此舉雖經內外之絕以脈靈樞內外之絕以氣脈氣之殊所宜兩審

並不答所問故謝氏注亦謂疑有缺文晉公直取七難中六甲王時之脈一段以補其闕千古之疑一朝頓解隱菴與晉公同時略有後先宜乎熟聞其說故其素問之注亦與診則相同如此也

一五藏脈已絕于內用針者反實其外五藏脈已絕于外用針者反實其內此則層分五部循形藏之皮

毛血脈部診肺合與心合之為外也筋膜骨髓部診肝合與腎合之為內也所謂實其外者補其心肺實

其內者補其腎肝陽絕補陰陰絕補陽是謂實實虛虛損不足而益有餘如此死者醫殺之耳以上是越人難經中

第十二靈樞九針十二原篇有曰凡將用針必先診脈視氣之劇易乃可以治也五藏之氣已絕于內而

用針者反實其外是謂重竭重竭者必死其死也靜治之者輒反取其腋與膺腋與膺者諸藏穴之標也

外也藏氣已絕于內陰虛也針者反益其陽益陽則陰愈損是重竭其陰也陰竭則無氣以動故其死也靜五藏之氣已絕于外用針者反實其內是謂

逆厥逆厥則必死其死也躁治之者反取其四末四末并榮俞經合諸藏穴之本也內也藏氣已絕于外

益其陰益陰則陽愈虧必病逆厥而死蓋四末之為內腋膺之為外心肺之為外腎肝之為內宜兩審矣

右第十二段言內外之絕難經與靈樞有氣脈之殊學者所宜兩審

第十三段言脈有六部

第十四段言一脈變為四時

第十五段言脈有寸口

以上三段余所見諸本皆闕其詞蓋逸文也儻海內藏書之家或有全卷終文得賜借鈔續付梓人以成完璧爰以嘉惠後學古今一大快事也

錢塘盧之頤子孫甫輯正

四書金匱
要略寸口
三部之虛

一金匱要略單言寸口與關分寸寸統言寸關尺三停以及單言寸或關與尺者凡三十則藏府經絡先

後病脈證篇曰寸口脈動者因其王時而動假令肝王色青四時各隨其色肝色青而反色白非其時色

脈皆當病色脈俱當應所王之時如春時肝木王色宜青今反白則色不合脈宜並今反毛曰寸口脈沉

而滑沉則為實滑則為氣實氣相搏血氣入藏則死入府即愈此為卒厥其唇口青身冷者為入藏如身

和汗自出為入府也張隱菴曰實者邪也邪入於經則沉以內薄故沉則為實也夫陰陽相搏其脈則滑

氣血受邪而內干藏府故卒厥也藏為陰故唇口青身冷者為入藏府為陽身和汗自出中風歷節病脈

證篇曰寸口脈浮而緊則為寒浮則為虛寒虛相搏邪在皮膚浮者血虛絡脈空虛賊邪不瀉或左或

右邪氣反緩正氣即急正氣引邪喎僻不遂邪在於絡肌膚不仁邪在於經即重不勝邪入於府即不識

人邪入於藏舌即難言口吐涎邪初本在皮膚因絡脈空虛邪反內陷而不能外出所謂賊邪不曰寸口

脈遲而緩遲則為寒緩則為虛營緩則為亡血衛緩則為中風邪氣中經則身癢而癢心氣不足邪氣

入中則胸滿而短氣曰寸口脈沉而弱沉即主骨弱即主筋沉即為腎弱即為肝汗出入水中如水傷心

歷節黃汗出。故曰歷節也。

張隱菴曰歷節者節節歷到心者神之至也節之交三百六十五會神氣之所遊行水氣傷心則神氣遊越是以汗隨心氣而出者為歷節黃汗也否則止為

黃汗而非歷節矣

血痺虛勞病脈證篇曰血痺病脈微澹在寸口關上小緊者此尊榮人骨弱肌膚盛重困疲勞

汗出臥不得時動搖如被微風遂得之宜針引陽氣令脈和緊去則愈。經言血凝於膚者為痺血行而不凝於膚者為痺血行而不凝於經隧遂成痺閉曰血痺陰陽俱微寸口關上微尺中小緊外證身體不仁如風痺狀也者氣血兩

虛肺痿肺癰欬嗽上氣病脈證篇曰寸口脈數其人咳口中反有濁唾涎沫者肺痿之為病也若口中辟

辟燥欬即胸中隱隱痛脈反滑數此為肺癰欬唾膿血也若脈數而虛者為肺痿數而實者為肺癰高而

屬金金畏火克如上焦有火銷燬其肺中津液以致肺葉乾枯時患欬嗽口中常有濁唾涎沫是為肺痿

若口中辟辟欬出燥痰胸中隱隱作痛則肺益熱而涎沫并竭矣必成肺癰陰陽相搏脈則為滑肺主氣

脈不應滑今見滑脈故曰脈反滑數凡肺痿肺癰其脈皆數但數而虛者曰寸口脈微而數微則為風數

為肺痿肺葉之形尙未殘毀數而實者為肺癰肺葉之形必致傷爛矣曰寸口脈微而數微則為風數

則為熱微則汗出數則惡寒風中於衛呼氣不入熱過於營吸而不出風傷皮毛熱傷血脈風舍於肺其

人則咳口乾喘滿咽燥不渴時唾濁沫時時震寒熱之所過血為凝滯畜結癰膿吐如米粥始萌可救膿

成則死也胸痹心痛短氣病脈證篇曰寸口脈沉而遲關上小緊數喘息咳唾胸背痛短氣胸痹之為病

也胸痹者胸中陽氣為陰氣所搏閉而不舒致有喘息欬吐胸背痛短氣腹滿寒疝宿食病脈證篇曰寸

口脈弦者即脇下拘急而痛其人齏齏惡寒也並肝脈也肝脈循脇裏而寒主拘急故脇下拘急曰寸口

口脈弦者即脇下拘急而痛其人齏齏惡寒也並肝脈也肝脈循脇裏而寒主拘急故脇下拘急曰寸口

口脈弦者即脇下拘急而痛其人齏齏惡寒也並肝脈也肝脈循脇裏而寒主拘急故脇下拘急曰寸口

此或有陽
及少陰少
陽等五爲
參照者

脈浮而大。按之反濇。尺中亦微而濇。故知有宿食也。宿食在中阻礙中氣故脈之浮大者按之而反濇也。張隱菴曰：經脈之所生自尺而關寸由沉而中浮寸。
口主外主氣氣雖浮大於外而根本阻塞是以按之濇而尺中亦微而濇。五藏風寒積聚病脈證篇曰：積者藏病也。終不移聚者府病也。發作有時。展轉痛移。爲可治。馨氣者脇下痛。按之則愈。復發者爲馨氣。馨字原文作葉字。馨氣即金匱首篇所
而言此則指飲食之氣停積留滯者而言也。張隱菴曰：夫食氣入胃散精於肝。淫氣於筋。肝虛而不能散。穀精之氣以養筋脈。故脇下痛。按之則氣散而愈。去其按則氣復聚而痛又發矣。氣本無形。故按之可愈。若有形之食積。按之則益痛也。諸積大法。脈來細而附骨者乃積也。張隱菴曰：諸積之脈無論上下陰陽其大法以脈來
故細而附骨也。寸口積在胸中。微出寸口。積在喉中。關上積在臍旁。上關上積在心下。微下關積在少腹。尺中積在氣衝。脈出左。積在左。脈出右。積在右。脈兩出。積在中央。各以其部處之。痰飲欬嗽病脈證篇曰：欬逆倚息不得臥。小青龍湯下已多。唾口燥。寸脈沉。尺脈微。手足厥逆。氣從少腹上衝胸咽。手足漚其面。翕熱如醉狀。因復下流陰股。小便難。時復冒者。治其氣衝。欬息因欬逆氣不順故傾欬而通其息也。小青龍湯本
無易尺微則知其陰虧以致陰陽不能順接而厥逆遂作面熱如醉狀者胃熱上衝薰其面也。胃者眩運而昏胃也。治其氣衝者治其上衝胸咽之氣衝氣得平而諸證亦止矣。水氣病脈證篇曰：寸口脈浮而遲。浮脈則熱。遲脈則潛。熱潛相搏。名曰沉。跌陽脈浮而數。浮脈即熱。數脈即止。熱止相搏。名曰伏。沉伏相搏。名曰水。沉則絡脈虛。伏則小便難。虛難相搏。水走皮膚。即爲水矣。曰：寸口脈弦而緊。弦則衛氣不行。即惡寒。水不沾流。走於腸間。曰：寸口脈沉而遲。沉則爲水。遲則爲寒。寒水相搏。跌陽脈伏。水

穀不化。脾氣衰則驚漉。胃氣衰則身腫。少陽脈卑。少陰脈細。男子則小便不利。婦人則經水不通。經為血。血不利則為水。名曰血分。驚漉也。鵬矢多漉其遺也。必有聲。故以喻大便。之頻泄一遺即已稍遲復遺無定限者曰驚漉。寸口脈沉而緊。沉則為水。緊則為寒。沉緊相搏。結在關元。始時當微。年盛不覺。陽衰之後。營衛相干。陽損陰盛。結寒微動。腎氣上衝。喉咽塞噎。脇下急痛也。曰寸口脈遲而澹。遲則為寒。澹為血不足。跌陽脈微而遲。微則為氣遲。則為寒。寒氣不足。則手足逆冷。手足逆冷。則營衛不利。營衛不利。則腹滿。腸鳴相逐。氣轉膀胱。營衛俱勞。陽氣不通。即身冷。陰氣不通。即骨痛。陽氣前通。則惡寒。陰氣前通。則痹不仁。陰陽相得。其氣乃行。大氣一轉。其氣乃散。實則失氣。虛則遺尿。名曰氣分。陽氣不通者身冷。若湯氣先通而陰氣未和。雖身冷已愈。猶覺畏寒。陰氣不通者骨痛。若陰氣前通而陽氣未暢。雖骨痛已愈。尚有痹閉不仁之患。故必陰陽之氣同運而後周身之氣乃行。大氣者正氣也。正氣流轉於一身而無所阻滯。則身中邪氣之為管者自皆散逐。不能留矣。實則失氣。虛則遺尿。蓋言氣散之從二陰而出者。有此二樣遺尿。蓋言小便之多。不作遺失之遺。解今之病氣脹者。往往從後陰頻失氣。而愈病水脹者。往往從前陰小便頻下。而愈所謂實者。乃氣閉不行之為實。所謂虛者。緣氣虛不能化而後水生。其間之為虛也。黃疸病脈證篇曰寸口脈浮而緩。浮則為風。緩則為痹。痹非中風。四肢苦煩。脾色必黃。痰熱以行也。風邪內閉致干脾藏以致四肢苦煩。並不同於風中四肢之痹。邪在於脾。身必發黃。蓋內之痰熱發見於外。而然若中風之痹。則不現此象。病之在內在外。所當分別。驚悸吐衄。下血胸滿。瘀血病脈證篇曰寸口脈動而弱。動即為驚弱。則為悸。曰寸口脈弦而大。弦則為減。大則為乳。減則為寒。乳則為虛。寒虛相擊。此名曰革。婦人則半產漏下。男子則亡血失精。減者陽氣減也。陽氣減故為寒。乳者浮大於外而內則空如乳草之中空。故曰乳則為虛。虛寒相擊。其脈

脈統絡寸
口常變效
聚書因參
詳所理第

為華蓋緣外寒故類似皮革緣內虛故按之如數而空虛較之殺則嘔吐噎下利病脈證篇曰寸口脈微
內空大較之芤則外有力別其名曰革為亡血失精之病○芤音樞嘔吐噎下利病脈證篇曰寸口脈微
而數微則無氣無氣則營虛營虛則血不足血不足則胸中冷曰下利寸脈反浮數尺中自濇者必圍膿
血也○下利脈當沉緩今寸脈反見浮數陽熱之氣反盛於外也尺中自濇者經血瘡癰腸浸淫病脈證
篇曰寸口脈浮微而濇法當亡血若肝出設不汗者云何答曰若身有瘡被刀斧所傷亡血故也○盧晉公
脈浮浮脈者在肉上行若所病在外者第浮而微濇微則中行無力濇則將行滯滯法當亡血出汗蓋榮
行脈中血者榮氣之所生汗者血氣之所成在奪汗者無血脈應如是今無汗何為見此脈象或身有金
瘡或被刀斧所傷亡血所致脈亦效之為不內外因也張隱菴曰此論奪血者無汗也寸口以上寸口尺
脈浮而微者陽氣虛也濇者無血也當主亡血及汗出所致設不汗者此因金瘡亡血故也
中寸關尺三停諸脈之常變及兩手關前關後陰陽之盛衰左人迎右氣口以前關上神門以後之實虛
寸關尺浮沉滑濇等脈之變常更合前寸口六部陰陽府藏眾脈效象何莫非寸口尺中三停之過與不
及第單拈寸口者則關尺三處常變同等也設尺寸參差斯變無經常三部不同斯病各異端故太過可
怪不及亦然邪不空見中必有奸知其所舍消息診看料度藏府獨見若神矣若三部流行不失銜銓隨
時動作效象形容此正平人之常氣稟於胃者平人之常脈也由此觀之凡脈效形罔非寸口之常變以
一推十十推百不啻白千計矣

右第十六段引金匱要略論寸口三部象證

醫林指月 學古診則第三帙之上

元無推越
人二十九
經太極
動生兩儀
胎乳字
之根諦

至有常中之變。變中之常者。如寸之與尺。男女有恆而反者。曰男子生於寅。寅為木。陽也。女子生於申。申為金。陰也。故男脈在關。上女脈在關下。此言男女之始生也。金木交。寅申合。而作少陽之乳字。故得少陽寅木之陽者。男生焉。得少陽申金之陰者。女生焉。紀天錫曰。生物之初。其本原皆始於子。子者萬物之所始也。自子推之。男左旋三十。而巳女右旋二十。而至於巳。是男女婚嫁之數也。自己而懷。娠男左旋十月。而生於寅。女右旋十月。而生於申。滑伯仁曰。陽之體輕清而升。天道也。故男脈在關上。陰之體重濁而降。地道也。故女脈在關下。比男女之常也。第金孕於巳。木孕於亥。巳亥合。水火濟。而作厥陰之胞胎。故木藏火裏。而孕男。金藏水裏。而孕女。所謂龍從火裏得。金向水中求。攢簇五行。胞胎乳字之機。穀乎。蓋乾資大始。天道也。父道也。以垂象。坤作成物。地道也。母道也。以成形。子午為卯酉。為緯。辰戌丑未為四維。寅申巳亥為四長。生地。而後水火濟。金木交。地道備矣。斯留愛為種。納想成胎。偶裏胞衣。範圍神室。仍賴十干。以成經之手。十有二支。以成經之足也。乃得藏府神形之若一。天干有十。應人之十手指。地支有十二。應人之十二靈樞。邪客篇。胚胎將兆。男乘寅木而生。女載申金而育。是以男子寸脈恆盛。尺脈恆弱。女子尺脈恆盛。寸脈恆弱。也。蓋陰必本乎陽。故陰生於寸。而動於尺。女故陰有餘。是以尺脈恆盛者。為常也。陽必本乎陰。故陽生於尺。而動於寸。男故陽有餘。是以寸脈恆盛者。為常也。反者。男得女脈為不足。病在內。左得之病在左。右得之病在右。女得男脈為太過。病在四肢。左得之病在左。右得之病在右。隨脈言之。此常中之變。亦似變中之常也。

右第十七段言尺寸之脈男女有恆而相反之變

脈有伏匿者。謂陰陽更相乘。更相伏也。脈居陽部。居猶在也陽部者。關前九分陽位應浮之脈也。而反陰脈見者。沉澹弱弦微之為陰。陰形呈見陽位者。此為陰乘於陽之脈也。脈雖時或浮滑而長。此謂陰中仍伏有陽也。是謂重陽。重陽者狂。是謂脫陽。脫陽者見鬼。脈居陰部。陰部者。關後一寸陰位應沉之脈也。而反陽脈見者。大浮數動滑之為陽。陽形呈見陰位。此為陽乘乎陰之脈也。脈雖時或沉澹而短。此謂陽中仍伏有陰也。是謂重陰。重陰者癩。是謂脫陰。脫陰者目盲。舉按亦可見。上下亦可見。此又變中之變也。狂與癩之疾相似而不同。狂者妄言妄走或笑罵或悲哭舉止乖異者也。癩者痴迷昏默。懵若無知。甚者僵仆。瞳視若死。若生者也。狂者陽疾。其寸口三部必陽脈俱盛。癩者陰疾。其寸口三部必陰脈俱盛。滑伯仁謂狂疾發於陽。其狀皆自餘而主動。癩疾發於陰。其狀皆自不足而主靜是也。重讀如重復之重。即俱陽俱陰之謂。脫陽見鬼者。陰盛已極。陽遂脫矣。鬼者陰幽之氣。陽氣已絕。故陰氣現形也。脫陰目盲者。陽盛已極。陰遂脫矣。目得血而能視。陰氣已絕。陰血并竭。故目盲也。按是謂重陽以下四句。是謂重陰以下四句。皆就上文乘脈伏脈之外而推廣言之。不緊乘上文而言也。連用四是謂字。乃先哲一時趁筆之誤。後賢宜善會其義。不可以文害辭。以辭害意。作承接文句解也。丁德用難經補注云。此非特言寸為陽部尺為陰部。以上下言則肌肉之上為陽部肌肉之下為陰部。此則所謂舉按可見者。即是肌肉之上肌肉之下義也。所謂上下可見者。謂關之上。下即是寸部尺部之義也。

右第十八段言脈有伏匿之變

如北政之歲。少陰在泉。則兩手寸口不應。厥陰在泉。則右寸不應。太陰在泉。則左寸不應。南政之歲。少陰

馬兼推六氣南北二

改尺寸之
德否

司天則兩手寸口不應厥陰司天則右寸不應太陰司天則左寸不應諸不應者反其診則見也故北政之歲三陰在下則寸不應三陰在上則尺不應南政之歲三陰在天則寸不應三陰在泉則尺不應左右同法此皆變中之常也。不應者脈之沉細不應手指也甚者極沉極細幾於伏而不可見第覆病者之手之反伐天和矣故曰必先歲氣無伐天和所謂北政之歲者是乙丙丁戊庚辛壬癸八年所謂南政之歲者是甲己二年蓋甲己二年為土運土位中央有君象焉而南而行令故曰南政其乙庚二年為金運丙辛二年為水運丁壬二年為木運戊癸二年為火運四運各居偏位有臣象焉北向而受命故曰北政

右第十九段言運氣分南政北政而脈之尺寸有不應之變

如寸口脈平而死者越人云諸十二經脈者皆係於生氣之原所謂生氣之原者謂十二經之根本也謂腎間動氣也此五藏六府之本十二經脈之根呼吸之門三焦之原一名守邪之神故氣者人之根本也根絕則莖葉枯矣寸口脈平而死者生氣獨絕於內也生氣獨絕於內者謂少腹之動氣獨絕也少腹之動氣乃先天一氣所謂元陰元陽者也此與三部九候中所云中部雖獨調與眾藏相失者死又不同蓋彼猶云與眾藏相失此祇是腎間動氣之絕遂不可救藥此又常中之變也

右第二十段言寸口脈平而死之變

一人迎寸口別陰陽分外內者人迎足陽明胃脈也在頸下夾結喉旁一寸五分主陽蓋手太陰肺藏也主外以候府寸口手太陽肺脈也主陰主內以候藏

此漢人入難寸口脈平而死者之義從上所陳諸寸口脈論探理窮源一無罣漏後學與能逐款詳習身體力行斯稱善學者也
此言寸口須動以人

溫便府配
臟區內區
外分陽分
陰以較盛
衰是爲十
二經脈調
機世多習
而不察

陰也。內也。手陽明大腸府也。陽也。外也。成雌雄之匹配。以爲表裏者也。故肺手太陰之脈。絡大腸而屬肺。

大腸手陽明之脈。絡肺而屬大腸。故曰肺合大腸。大腸者。傳道之府也。大腸在小腸下。主出糟粕爲腸。胃變化之傳道。故曰傳道之府。

以藏盛者。寸口大三倍於人迎。虛者寸口反小於人迎也。府盛者人迎大三倍於寸口。虛者人迎反小於寸口也。

三倍者以兩脈相較而知其大小。有一倍二倍三倍之殊。足太陰脾藏也。陰也。內也。足陽明胃府也。陽也。外也。成雌雄之匹配。

以爲表裏者也。故脾足太陰之脈。絡胃而屬脾。胃足陽明之脈。絡脾而屬胃。故曰脾合胃。胃者五穀之府也。

胃主受納飲食。故曰五穀之府。是以藏盛者。寸口大三倍於人迎。虛者寸口反小於人迎也。府盛者人迎大三倍於寸口。虛者人迎反小於寸口也。

手少陰心藏也。陰也。內也。手太陽小腸府也。陽也。外也。成雌雄之匹配。以爲表裏者也。故心手少陰之脈。絡小腸而屬心。

小腸手太陽之脈。絡心而屬小腸。故曰心合小腸。小腸者受盛之府也。小腸居胃之下。受盛胃中水穀。而分其清濁。水液則滲入膀胱。由前陰而由糟粕則傳入大腸。由後陰而出。故曰受盛之府。是以藏盛者。寸口大再倍於人

迎。虛者寸口反小於人迎也。府盛者人迎大再倍於寸口。虛者人迎反小於寸口也。足少陰腎藏也。陰也。

內也。足太陽膀胱府也。陽也。外也。成雌雄之匹配。以爲表裏者也。故腎足少陰之脈。絡膀胱而屬腎。膀胱

足太陽之脈。絡腎而屬膀胱。故曰腎合膀胱。膀胱者。精液之府也。膀胱者位居最下有下口而無上口。水穀之液滲入其中而藏焉。故曰精液之

府。營衛生會篇曰。水穀俱下而成下焦。是以藏盛者。寸口大再倍於人迎。虛者寸口反小於人迎也。府盛

澗泌別汁。循下焦而滲入膀胱是也。

者人迎大再倍於寸口。虛者人迎反小於寸口也。手厥陰心主包絡藏也。陰也。內也。手少陽三焦府也。陽也。外也。成雌雄之匹配。以為表裏者也。故心主手厥陰心包絡之脈。歷絡三焦而屬心包絡。三焦手少陽之脈。散絡心包絡而屬三焦。三焦者中瀆之府也。水道出焉。屬膀胱。是孤之府也。是六府之所與合者。中瀆者謂如川如瀆源流皆出其中。凡水穀之入於口。出於便自上而下。必歷三焦。故曰中瀆之府。水道出焉。膀胱受三焦之水。而當其疏泄之路。氣本相依體同一類。故三焦下輸出於委陽。並太陽之正入絡膀胱。納下焦也。然於十二藏之中。惟三焦獨大。諸藏無與匹者。故曰是孤之府也。○三焦雖為水瀆之府。而實總護諸陽。亦稱相火。是又水中之火府。故在本篇曰三焦屬膀胱。在血氣形志篇曰少陽與心主為表裏。蓋其在下者為陰。屬膀胱。而合腎水在上者為陽。合包絡而。又曰少陽屬腎。腎上連肺。故將兩藏。少陽三焦通心火。此三焦之所以際上極下象同六合而無所不包也。又曰少陽屬腎。腎上連肺。故將兩藏。少陽三焦之正脈。指天散於胸中。而腎脈亦上達於肺。三焦之輸屬於膀胱。而膀胱為腎之合。故三焦亦屬於腎也。夫三焦為中瀆之府。膀胱為津液之府。腎以水藏而領水府理之。當然故腎得兼將兩藏。將領也。本篇云腎合三焦。膀胱其義。即此稱三焦勝膀胱為兩藏。府亦可以稱藏也。是以藏盛者寸口大一倍於人迎。虛者寸口反小於人迎。也。成雌人迎大一倍於寸口。虛者人迎反小於寸口也。足厥陰肝藏也。陰也。內也。足少陽膽府也。陽也。外也。成雌雄之匹配。以為表裏者也。故肝足厥陰之脈。絡膽而屬肝。膽足少陽之脈。絡肝而屬膽。故曰肝合膽。膽者中精之府也。膽為中正之宮。藏清淨之液。故曰中精之府。蓋以他府所盛者皆濁。而此獨清也。是以藏盛者寸口大一倍於人迎。虛者寸口反小於人迎也。府盛者人迎大一倍於寸口。虛者人迎反小於寸口也。其非表裏以為雌雄者。則罔相盤絡而連屬矣。故禁服篇云寸口主中人迎主外。兩者相應。俱來俱往。若引繩而大小齊等。春夏人迎微大。秋冬

醫家要術
配府藏之
盛衰此所
百寸口人
迎彼倍此
減此倍彼
二經脈府
經則刺經
倍三以上
爲關爲格
漢複稱瀉
以及灼灸
俱本之禁
服當根參
終始篇之
爲寸口人
迎溢陽陰
陰精詳終
始予容迎
隨悉開格
格悉開格
法無所不
備讀者大
宜體會

寸口微大如是者名曰平人。太陰行氣於藏故寸口主中陽明行氣於府故人迎主外一表一裏往來相
故於秋冬必微大。人迎大一倍於寸口病在足少陽一倍而躁病在手少陽人迎二倍病在足太陽二倍
乃謂之平人也。人迎大一倍於寸口病在足少陽一倍而躁病在手少陽人迎二倍病在足太陽二倍
而躁病在手太陽人迎三倍病在足陽明三倍而躁病在手陽明於三陽故人迎大一倍於寸口病在足
經之少陽若大一倍而加以躁動則爲陽中之陽而上在手經之少陽矣凡二部三部病皆在足而躁則皆在手義相同盛則爲熱虛則爲寒緊則爲痛痹代則乍甚
乍間盛則寫之虛則補之緊痛則取之分肉代則取血絡且飲藥陷下則灸之不盛不虛以經取之名曰
經刺。人迎陽脈也盛則陽太過故爲熱虛則陽不足故爲寒乍甚乍間猶言時作時止也緊則爲痛痹故
經刺當取分肉代因血氣不調故當取血絡且飲調和之藥脈陷下不起者有寒滯故宜灸之若不因血
氣之盛虛而病有留於經絡者則當隨經所宜或飲藥或灸刺以取之也經刺者刺大經之結絡經分也人迎四倍者且大且數名曰溢陽溢陽者外格死不
藥或灸刺以取之也經刺者刺大經之結絡經分也人迎四倍者且大且數名曰溢陽溢陽者外格死不
治必審其本末察其寒熱以驗其藏府之病。人迎偏盛至於四倍寸口且大且數乃陽氣盛極而盈溢與
陰相格拒而不與之相通是爲外格乃不治證也若一倍二
倍三倍不過爲病而有輕重之分耳故當審按其致病之本末察其寒熱
驗其藏府而施治焉若溢陽外格必死不治之證無所用其審察與驗矣。寸口大於人迎一倍病在足
厥陰一倍而躁病在手心寸口二倍病在足少陰二倍而躁病在手少陰寸口三倍病在足太陽三倍
而躁病在手太陽寸口手太陽肺脈也太陰主裏而行氣於三陰故寸口大一倍於人迎病在足經之厥
陰若大一倍而加以躁動則爲陰中之陽而上在手厥陰之心主矣凡二倍三倍皆在
足而躁則皆在手義亦相同。人迎寸口相爲表裏故人迎一倍者病在足少陽寸口一倍者病在足厥
陰膽與肝爲表裏也一倍而躁人迎在手少陽寸口在手心主三焦包絡爲表裏也二倍三倍之表裏皆
同盛則脹滿寒中食不化虛則熱中出糜少氣瀕色變緊則痛痹代則乍痛乍止盛則寫之虛則補之緊

則先刺而後灸之。代則取血絡而後調之。陷下則徒灸之。徒但也。陷下者。脈血結於中。中有著血。血寒。故

宜灸之。不盛不虛。以經取之。名曰刺經。寸口陰脈也。陰盛則陽虛。故為脹滿。寒中飲食不化。陰虛則帶血

不起。因寒氣著於血。而血結為滯。得火氣逐之。則寒不足。故為熱中。出糜少氣。溺色變。出糜謂泄瀉糜爛之物。脈陷下

氣去而結滯散。故但灸之而愈。不必刺也。餘同上。寸口四倍者。名曰內關。內關者。且大且數。死不治。必

審察其本末之寒溫。以驗其藏府之病。寸口偏盛。至於四倍。人迎且大。且數。乃陰氣盛極而盈。通其營輪

乃可傳於大數。大數曰盛。則徒寫之。虛則徒補之。緊則灸刺。且飲藥。陷下則徒灸之。不盛不虛。以經取之。

所謂經治者。飲藥亦曰灸刺。脈急則引。脈大以弱。則欲安靜。用力無勞也。營經脈也。輪音怨。榮輪也。大數

引去之。脈大以弱者。陰不足也。終始篇云。凡刺之道。畢於終始。明知終始。五藏為紀。陰陽定矣。陰者主藏。

陽者主府。陽受氣於四末。陰受氣於五藏。陽主外。故受氣於四末。陰主內。故受氣於五藏。故寫者迎之。補者隨之。知迎知隨。氣可

令和。迎者。迎其來而奪之。隨者。隨其去而導之。總和氣之方。必通陰陽。五藏為陰。六府為陽。傳之後世。以

血為盟。敬之者昌。慢之者亡。無道行私。必得天殃。未曾講明。陰陽終始之道。而行其私心。邪謬之術。以欺人。必為天理所不容。謹奉天道。請言

終始。終始者。經脈為紀。持其脈口。人迎。以知陰陽。有餘不足。平與不平。天道畢矣。脈口即寸口也。脈口在

處。可以察五藏之陰。人迎在頸。為陽。所謂平人者。不病。不病者。脈口人迎。應四時也。上下相應。而俱往俱

來也。六經之脈。不結動也。本末之寒溫之相守司也。形肉血氣。必相稱也。是謂平人。春夏人迎微大。秋冬

寸口微大。所謂應四

時也人通在上寸口在下往則俱往來則俱來相應如一若引繩大小齊等也結滯者不足動疾者有餘皆非六經之平脈也藏氣爲本肌肉爲末時寒而寒時溫而溫司守不至相失故外之形肉內之血氣無一不相稱者

是謂平人少氣者脈口人迎俱少而不稱尺寸也如是者陰陽俱不足補陽則陰竭竭陰則陽脫如是者將以甘藥不可飲以至劑如此者勿矣不已者因而寫之則五藏氣壞矣少氣者元氣虛也兼陰陽

必皆衰少無力而兩手之尺寸亦不相稱如是者陰陽之氣俱不足矣治之者不可偏一蓋偏於補陽則陰竭偏於瀉陰則陽脫故祇可以甘藥將之甘藥之說最是妙用欲補虛虛非至甘至純之藥不可也至

劑謂純於補陽純於補陰偏至之劑又言若有如此之證捨甘藥之外刺之固不可灸之亦不可人迎一不可灸者以火能傷陰也若勿已而必欲刺之以寫其有餘則五藏敗壞而生意盡矣戒之也

人迎一盛病在足少陽一盛而躁病在手少陽人迎二盛病在足太陽二盛而躁病在手太陽人迎三盛病在足

陽明三盛而躁病在手陽明人迎四盛且大且數名曰溢溢陽爲外格一盛二盛三盛四盛卽上文大

此脈口一盛病在足厥陰一盛而躁病在手心主脈口二盛病在足少陰二盛而躁病在手少陰脈口三

盛病在足太陰三盛而躁病在手太陰脈口四盛且大且數者名曰溢陰溢陰爲內關內關不通死不治

人迎與太陰脈口俱盛四倍以上命曰關格關格者與之短期人迎氣口俱至四倍以上則陰陽各過其

死期人迎一盛寫足少陽而補足厥陰二寫一補日一取之必切而驗之疎取之上氣和乃止人迎一盛

矣陽膽經肝膽相爲表裏體實而肝虛故當寫足少陽之府補足厥陰之藏寫者二補者一寫倍於補凡三

陽盛者俱二寫一補也疎取之者欲其從容不宜急也上氣言氣之至也氣至而和穀氣至矣故可止針

下做人迎二盛寫足太陽而補足少陰二寫一補二日一取之必切而驗之疎取之上氣和乃止人迎二

盛病在

足太陽膀胱經勝膀胱與腎相為表裏勝人迎三盛寫足陽明而補足太陰。二寫一補。日二取之。必切而驗。

之疎取之上氣和乃止。人迎三盛病在足陽明胃經胃與脾相為表裏胃實而脾虛故當寫足陽明補足少陰。脈口一盛寫足厥陰而補足少陽。二

補一寫。日一取之。必切而驗之。疎而取之上氣和乃止。脈口一盛病在足厥陰肝經肝與膽相為表裏肝實而膽虛故當寫足厥陰補足少陽。二補一寫。補

者皆補倍於寫也。脈口二盛寫足少陰而補足太陽。二補一寫。二日一取之。必切而驗之。疎取之上氣和

乃止。脈口二盛病在足少陰腎經腎與膀胱相為表裏裏實而膀胱虛故當寫足少陰補足太陽。脈口三盛寫足太陰而補足陽明。二補一寫。日二取

之。必切而驗之。疎而取之上氣和乃止。脈口三盛病在足太陰脾經脾與胃為表裏脾實而胃虛故當寫足太陰補足陽明。所以日二取之者。太陽

主胃。大富於穀氣。故可日二取之也。此重釋上文脾胃二經之治也。太陽主胃謂太陰主脾陽明主胃蓋

人迎之治治三陽也。皆曰二寫一補。氣口之治治三陰也。皆曰二補一寫。蓋三陽主表病在表者宜寫倍

於補。三陰在裏病在裏者宜補倍於寫。皆以藏氣為重。惟恐其或傷耳。又如厥陰少陽肝膽木藏也。東方

多實。故可一日一取之。太陰陽明脾與胃也。脾胃大富於穀氣。故可日二取之。惟少陰太陽則二

日一取之。蓋腎與膀胱為天一之藏。真陰之原。故宜保重。如此聖人之顧根本。豈惟鍼刺為然哉。人迎與

脈口俱盛三倍以上。命曰陰陽俱溢。如是者不開。則血脈閉塞。氣無所行。流淫於中。五藏內傷。如此者。因

而灸之。則變易而為他病矣。俱盛三倍以上即四倍也不開不通也。血脈閉塞氣無所行流淫於中五藏內傷即是關格情狀原屬不治之證不知者從而灸之則愈亡其陰變生他

證生機未由死期益促矣。凡刺之道。氣調而止。補陰寫陽。音氣益彰。耳目聰明。反此者。血氣不行。張景岳曰此陰陽以表裏言蓋正氣在內

所當補也。故曰補陰邪自外入所當寫也。故曰寫陽邪去而真氣王。自然音聲益。所謂氣至而有效者。期耳目聰明矣。若作陰陽之正氣解。謂陰常不足。故當補陽。常有餘。故當寫者。大誤。

此引動輸
篇總結寸

寫則益虛。虛者脈大。如其故而不堅也。堅如其故者。適雖言故。病未去也。此言凡氣至之效也。病之實者。雖其脈大如舊。但得和緩不堅。即其虛之之效也。若脈堅不減。雖補則益實。實者脈大。如其故而益堅也。病人適言身體平復如故。而病實未除。過則又發。未見其效也。

夫如其故而不堅者。適雖言快。病未去也。病之虛者。補之補者。欲其實也。實則脈必堅。乃其效也。既補之後。而脈之大小不堅。如舊者。雖病人適言已快。而病尚未去也。

二節所謂大者。乃概指脈之進退而言。非洪大之謂。故補則實。寫則虛。痛雖不隨針。病必衰去。病雖未能隨針即愈。而視其脈之宜。自衰去言。不必再加針也。痛者。即指病之一證而言。因其愈與不愈。人所易見。故舉此以概其餘也。必先通十二經脈之所生病。而後可得傳於終始矣。十二經脈各有左右上下。其受病之處。亦有先後。必治其病所從生。而後可得終始之義。終始即本末之謂。

或陽無所改。易不相移也。虛者。自虛實者。自實不相傾也。此則無所從生。而各病其病。但求其經而取之。凡刺之屬。三刺至穀氣。邪僻妄合。陰陽易居。逆順相反。浮沉異處。四時不得稽留。淫泆須針而去。邪僻妄合。六句詳言病變也。凡此者。故一刺則陽邪出。再刺則陰邪出。三刺則穀氣至。穀氣至而止。所謂穀氣至者。已補而實。已寫而虛。故已知穀氣至也。

可出陽分之邪。再刺之在於深遠。故可出陰分之邪。三刺之在候。穀氣穀氣元氣也。止出針也。蓋邪氣之來也。緊而疾。穀氣之來也。徐而和。必邪氣去。而後穀氣至。故已補而實。則脈之虛者。堅已瀉。而虛則脈之堅者。軟知穀氣之已至也。邪氣獨去者。陰與陽未能調。而病知愈也。邪氣既退。正氣自然漸復。故知其病之必愈也。故曰補則實。瀉則虛。痛雖不隨針。病必衰去矣。陰盛而陽虛。先補其陽。後寫其陰。而和之。陰虛而陽盛。先補其陰。後寫其陽。以和之也。張景岳曰。治病者。宜先顧正氣。後治邪氣。蓋攻實無難。伐虛當畏。觀於此節之義。可見用針用藥。其理無不同也。

靈樞動輸篇云。經脈

醫林指月

學古診則第三秩之上

八

口人迎十
二經脈合
歸後天水
設胃氣之
爲脈以悉
常動不休
由及再動之

十二而手太陰足少陰陽明獨動而不休者何也曰是明胃脈也胃為五藏六府之海其清氣上注於肺

肺氣從太陰而行之其行也以息往來故人一呼脈再動一吸脈亦再動呼吸不已故動而不止者言三

經之動皆因於胃脈也曰氣之過於寸口也上十焉息下八焉伏何道從還不知其極氣之過寸口也在上得尺中

而不動其在下得尺中之八分何以脈當此猶伏而未現不知從何道徑而之十分何以過此脈遂息焉

祇於此一寸九分之中往還不息如此此中至極之理有所未明故問之曰氣之離藏也卒然如弓弩

之發如水之下岸上於魚以反衰其餘氣衰散以逆上故其脈微言氣之離於藏而發現於寸口也卒然

下岸有其勢焉不可遏也天機所動皆自然之理也過此而上於魚則餘如弓弩之發有其機焉不可停也水之

氣已衰散矣而猶逆以上行故其勢微也以上詳言手太陰肺脈之動曰足之陽明何因而動曰胃氣

上注於肺其悍氣上衝頭者循咽上走空竅循眼系入絡腦出頤下客主人循牙車合陽明并下人迎此

胃氣別走於陽明者也故陰陽上下其動也若一故陽病而陽脈小者為逆陰病而陰脈大者為逆陰陽

俱靜俱動若引繩相傾者病張景岳曰牙車即曲牙當是頰車也頰音坎又海敢切頰之釋義曰飢而面

脈立已顛狂篇曰治狂者取頭兩頰蓋皆言頭面之部位也此節言自腦出頤下客主人則當在腦之下

鬢之前客主人之上疑即髻骨之上兩太陽之間為頤也陰陽上下統上文手太陰而言也蓋胃氣上注

於肺本出一原雖胃為陽明脈上出於人迎肺為太陰脈下出於寸口而氣本相貫故彼此之動其應若

一也然人迎屬胃為陽之病則陽脈宜大而反小為逆寸口屬藏為陰之病則陰脈宜小而反大者為逆

陰陽大小脈各有體設陰陽不分而或則俱動或則俱靜若引繩之勻者則曰足少陰何因而動曰衝脈

其陰陽之氣非此則彼必有偏傾而致病者矣以上詳言足陽明胃脈之動曰足少陰何因而動曰衝脈

者十二經之海也與少陰之大絡起於腎下出於氣街循陰股內廉邪入腠中循脛骨內廉並少陰之經

此庚十二
經脈之原
起注終始
論理遺道
二類爲周
期百五十
辨分晝夜
監終天年
乃竟有終

下入內踝之後入足。其別者邪入踝出屬跗上。入大指之間注諸絡。以溫足脛。此脈之常動者也。足少陰之脈動者以衝脈與之並行也。衝脈與少陰之絡同起於腎下出於足。易明之氣街循陰股。關中內踝。事處以入足下。其別者斜出屬跗上。注諸絡以溫足脛。此太谿等脈所以常動不已也。以上詳足少陰腎脈之動。
曰營衛之行也。上下相貫如環之無端。今有卒然遇邪氣及逢大寒。手足懈惰。其脈陰陽之逆。相輸之會。行相失也。氣何繇還。營衛之行周流上下。終而復始。無有止息。若遇邪氣阻隔。其間則陰陽所當。曰夫四末陰陽之會者。此氣之大絡也。四街者。氣之徑路也。故絡絕則徑通。四末解則氣從合。相輪如環之無端。莫知其紀。終而復始。此之謂也。四末四支也。十二經皆終始於四支。故曰陰陽之會而爲氣之大絡也。然大絡雖會於四支。復有氣行之徑路。謂之四街。所謂胸氣有街。腹氣有街。頭氣有街。脛氣有街。乃胸腹頭脛之氣所聚所行之道路。故謂之氣街。凡邪之中人。多在四街。故絡絕則徑通。及邪已去而四末解。彼絕此通。氣從而合。迴環轉輸。無有相失。所謂如環無端。莫知紀極者也。
蓋藏陰府陽小大盛衰。虛實寒熱。何莫非以人迎氣口別陰陽。分內外。成診切之大法。世多目爲刺灸之用。棄置勿顧。甚至併經取飲藥而盡昧之。卽前文所云以經取之。取之致令後學失此大法。耳末之聞。目未之見矣。殊不知刺灸之分。補寫卽處方之操機。數也。此二句是晉公先生以金針度。用是備錄經文者。
三文雖三見。理則一貫。誠能於此研窮。合諸法而歸一。不獨十二經脈卽形神藏舍四體百骸。以及氣運統御。標本病傳。證因常變。若指諸掌矣。

右第二十一段言人迎氣口分別陰陽內外以定藏府虛實補寫治法

一者手太陰經地之有川所以通行血氣者也筋力剛勁故能約束骨骼肉為垣牆故能周衛血氣

是知經脈終始貫注環周不可不受持讀誦者也。否則舉指便錯檢徧方書亦何益耶。附錄經脈少竅數

字以顯經義。毋嫌誕妄。其幸大矣。經脈是靈樞經中之第十篇下文所引雷公問於黃帝云云是其文也。雷公問於黃帝曰。禁服之書。凡刺

之理。經脈為始。營其所行。制其度量。內次五藏。外別六府。願盡聞其道。營其所行。言經絡之營行也。制其度量。言裁度其分數也。五藏屬裏

故言內次。六府屬表。故言外別。此數語即靈樞第四十八禁服篇中之文。但此章內次外別字。彼章作內刺外刺。為不同耳。黃帝曰。人始生。先成精。精成而腦髓生。骨

為幹。脈為營。筋為剛。肉為牆。皮膚堅而毛髮長。穀入於胃。脈道以通。血氣乃行。身之有骨。猶木之有幹。所

脈猶地之有川。所以通行血氣者也。筋力剛勁。故能約束骨骼肉為垣牆。故能周衛血氣。雷公曰。願卒聞經脈之始生也。黃帝曰。經脈者。所以能決

生死處百病。調虛實不可不通也。藏肺手太陰之脈。經。接起端於中焦。中焦當胃之中脘。在臍上四寸之

發脈於此。凡後手三下旋。盤絡府配之大腸。復還循於胃口。上本藏之膈膜。循巡繞也。膈膜居心肺之下

陰經皆自內而出也。下旋。盤絡府配之大腸。復還循於胃口。上本藏之膈膜。前齊鳩尾後齊十一椎周圍

相著所以遮隔濁氣。歸屬本藏之肺舍。乃從肺系岐分。橫出左右之腋下。肺系喉嚨也。喉以通氣。下連於

不使上衝心肺也。歸屬本藏之肺舍。乃從肺系岐分。橫出左右之腋下。肺系喉嚨也。喉以通氣。下連於

下循肱肉嫩。與為臑。內行少陰心主之前行。臑之內側。上至腋下。下至肘肉之隆起。與白者曰臑。臑音儒。又

太陰在前。厥陰在下。肘中循臂內。上骨之下廉。膊與臂之交虛曰肘。肘中骨掌後高骨也。廉。前也。骨之下廉。指

在中。少陰在後。後下肘中循臂內。上骨之下廉。掌後高骨之下側。後文上廉。前廉。後廉。內廉。外廉。諸廉字皆

依側入寸口。上魚循魚際。出大指之端。手腕之前大指本節之間。其肉隆起形如魚者。魚之魚寸口之

其支者。斜從腕後。直出次指。內廉出其端。支者是正經之外。有旁通之絡。如樹木旁出之枝。故曰支也。腕者臂與掌之交處。手太陰經之別絡。從腕上循次指陰面

四言足太
經脾之脈
端於注起

五言手少
陰心之脈
端於注起

裹下至氣街中而合直經。胃之下口當下脘之分難經所謂幽門者也循腹裏過足少陰膏肓穴之外此

以下股外髀交紋中之髀關抵髀前起肉之伏兔入膝端蓋骨之膝臑中下循脛臑之外廉下足跗上入

中指內間。股大腿也髀音婢又音比股之骨也一曰髀外為股髀關穴在伏兔上有交紋處抵至也伏兔

面也足中指內間其支者下廉三寸而別下入中指外間。下廉謂巨虛下廉也相去三寸即豐隆穴是為陽明別絡其支者別跗上入

足陽明經止於此其支者自跗上別行入大指間斜出足厥藏脾足太陰之脈經接起端於左右大指之

大指間出其端。陰之次循大指出其端而接於足太陰經藏脾足太陰之脈經接起端於左右大指之

端起於足大指端足之三陰從足走腹循指內側白肉際過核骨後上脛骨內踝前廉。核骨即大指本節後內側圓骨也滑

核骨後交出厥陰經脈之前行上膝股內前廉入腹歸屬本藏之脾舍盤絡府配之胃上臑岐挾咽連舌

本散舌下。咽以嚙物居喉之後所謂食管也舌本舌根也足太陰經至舌下而止其支者復從胃別上臑注於心中。足太陰經外行者由腹

而止於臑下其內行者而支者復從胃臑別上臑注於心中而接於手少陰經藏心手少陰之脈經接起於心中出屬本藏之心系。心通五臟之氣

起於心中不與他臟同也位當五椎之下其系下臑盤絡府配之小腸其支者從心系岐分上挾咽繫目

有上系連肺肺下系心下三系連肝脾腎下臑盤絡府配之小腸其支者從心系岐分上挾咽繫目

系其直者復從心系却上肺岐分下出腋。直者經之正脈手少陰經行於外者始此下循臑內後廉行手太陰心主之後手

三陰少陰居太下肘循臂內後廉抵掌後銳骨之端。手腕下外入掌內後廉循小指之內出其端內手少

陰厥陰之後

六百手太
陽小腸之
經發注
起端於注

七百足太
陽膀胱之
經發注
起端於注

陰經止於此乃交小指外側而接於手太陽經滑伯仁曰
心為君主之官尊於他臟故其交經授受不假支別云
府小腸手太陽之脈經並接起兩手小指之端
循手外側上腕出踝中直上踝手腕兩旁循臂骨下廉出肘內側兩筋之間肘內側兩骨尖陷中小海穴也此處捺之應於小指之上

上循臑外後廉出肩兩旁膂上兩角曰肩解繞肩解下片骨內肩胛交肩上肩後骨縫曰肩解滑氏曰脊兩旁為膂膂上兩角為肩解

肩解下成片骨為肩胛即肩髃也交肩入缺盆盤絡藏配之心循咽下膈抵胃歸屬本小腸之府器其

交於兩肩之上會於督脈之大椎胛音甲入缺盆盤絡藏配之心循咽下膈抵胃歸屬本小腸之府器其

支者別從缺盆循頸上頰至目外角之銳眚却入耳中自入缺盆而下是本經之行於內者若其支行於外者又從缺盆循頸上行入耳中手太陽經止於

此皆其支者別從頰面骨之頰抵鼻至目大角之內眚斜絡於額目下為頰目內角為內眚頰即頰骨手音資其支者別從頰面骨之頰抵鼻至目大角之內眚斜絡於額

經頰音拙類音權府膀胱足太陽之脈經並接起左右目內眚上額交互於頰頂目下為頰目內角為內眚頰即頰骨手音資其支者別從頰面骨之頰抵鼻至目大角之內眚斜絡於額

至耳上角其直行者別從頰入絡於腦還出別下項循肩膊內挾脊抵腰中入循挾脊為膂直行之脈自肩膊而下分

作四行其內之兩行夾脊兩旁各相去一寸五分下抵腰中入循夾脊兩旁之膂肉脊背中之椎骨也夾脊之肉曰脊膂音博脊音旅盤絡藏配之腎歸屬本膀胱之府器

其支者別從腰中下挾脊貫臀入上膝後曲為膕中尻旁大肉曰膕膝後曲處曰膕膕音屯膕音國其支者別從膊內左右別下

貫膂內脊肉曰胛挾脊內過股外捷骨之下曰髀樞從髀外後廉下合膕中此支脈指外之兩行而言其脈別從膊內左右下行貫胛

挾脊去脊各三寸胛音甲背上兩膊間所謂背胛是也髀樞在髀骨之上捷骨之下貫膂內出外踝當環跳穴處為髀之樞機支脈由此下行復與內兩行貫膂入膕中之脈相合矣以下貫膂內出外踝

之後循足外側大骨下去白肉際陷中為京骨至小指外側之端躡音煨足跟也京骨足小指本節後之大骨也足小指之端足太陽經止此乃

入首足少
陰腎之脈
經起注起
端於注製

九首手厥
陰心包絡
之脈起端
注起端於
注製

十首手少
陽三焦之
脈起端於
注製

交於足小指之下。藏腎足少陰之脈經。並接起兩足小指之下。邪趨足心。邪與斜同。足心是湧泉穴處。出內踝前。大骨

下陷中。然谷之下。循內踝之後。別入足跟中。上端內。出臑內廉。上股內後廉。貫脊。歸屬本藏之腎。舍盤絡

府配之膀胱。其直者。則從腎上貫肝膈。入肺中。岐分。循喉嚨。挾舌本。其支者。別從肺出絡心。並注於胸中。

胸中當兩乳之間。亦曰臑中。足少陰經止此。而接於手厥陰經。心主手厥陰心包絡之脈經。並接起於胸中。出屬本心包絡之藏會。滑伯仁曰

或問手厥陰經曰。心主又曰心包絡何也。曰。君火以明。相火以位。手厥陰代君火行事。以用而言。故曰心主。以經而言。則曰心包絡。一經而二名。實相火也。張景岳曰。心主心之所主也。心本手少氣。而復有手厥

陰者。為心包絡之經。如邪客篇曰。心者五藏六府之大主也。諸邪之在心者。皆在心之包絡。包絡者。心下主之脈也。其脈之出入。曲折行之。疾徐皆如手少陰。心主之脈行也。故曰心主手厥陰心包絡之脈。

膈。歷絡府配之三焦。張景岳曰。心包絡包心之膜絡也。包絡為心主之外衛。三焦為藏府之外衛。故為表裏而相絡。計經皆無歷字。獨此有之。蓋指上中下而言。上焦即臑中。中焦即臑下。下焦即臑下。故任脈之

焦即臑下。故任脈之其支者。別循胸。岐分出脇。下腋三寸。臑下際為腋。腋下三寸天池穴也。手厥陰經始此。上抵腋。下循臑內

行太陰少陰之中間。手之三陰厥陰在中。入肘中。下臂。行兩筋之間。入掌中。循中指出其端。中指端。手厥陰

陰經。止此。其支者。別從掌中。循小指次指出其端。小指次指。謂小指之次指。即無名指。指手厥陰

脈經。接起兩手小指次指之端。上出兩指之間。即小指與無名指之間。循手表腕。出臂外兩骨之間。上貫肘。循臑外

上肩。交出於足少陽之後。入缺盆。交布脾大絡。左乳下。其動應衣者。曰臑中。按脾之大絡。名曰大包。出淵腋。下三寸。布胸脇。若左乳下

其動應衣者。乃胃之大絡。名曰虛里者也。至臑中。位居上焦。亦名上氣海。為宗氣積聚之處。主奉行君相之令。而布施氣化。爾寧秘典論所謂臣使之官。喜樂出焉者也。昔人謂十二經表裏有心包絡。而無臑中

十一百足
少陽勝之
起端於注

十二百足
厥陰肝之

心包之位正居膈上為心之護衛脈論曰膻中者心主之宮城也正合心包臣使之義意者其即指此夫三者經絡並不相錯靈樞原文但曰入缺盆布膻中散絡心包下膈循屬三焦云云先生此節乃與經文不同其詳見後二十七段經穴散絡藏配之心包下膈徧屬本三焦之府氣謂其有名而無形也此節言於內者自上焦下膈循中焦下行並足太陽之正入絡其支者別從膻中上出缺盆上項夾耳後直上出勝腕以約下焦故足太陽委陽穴為三焦下輔俞也

耳上角以曲屈下頰至頤此節言其支之行於外者頤音拙目下也其支者別後耳後入耳中出走耳前過客主人前交頰至

目銳眦目銳眦目之外角也手少陽府瞻足少陽之脈經並接起於左右目銳眦上抵頭角下耳後循頸經止於此而接於足少陽經

行手少陽之前行至肩上也交出手少陽之後入缺盆其支者別從耳後入耳中出走耳前至目銳眦後

其支者別從目銳眦下入迎合手少陽抵於頤下加頰車下頸合缺盆以下胸中與前從肩入入缺盆之經相合而下行胸中

貫膈盤絡藏配之肝歸屬本膽之府器循脇裏出氣街繞毛際橫入髀厭中髀厭即髀樞也氣街膈中之氣街也毛際

謂曲骨之兩旁其動脈即氣街穴也髀厭中即環跳穴也其直者則從缺盆下腋循胸過季脇下合髀厭中季脇脇下小肋也直下之脈過季脇下行復與上文

所云入髀厭以下循髀外行太陽陽明之間歷中瀆陽關為髀陽出膝外廉下斷外輔骨之前髀陽髀中之脈相合外側也輔

骨膝下兩直下抵外踝以上為絕骨之端外踝上尖下出外踝之前循足面之跗上入小指次指之間少

陽經脈止於此其支者別從跗上入大指之間循大指岐骨內出其端還貫入爪甲出三毛足大指次指本節後骨縫為岐骨大指爪

甲後二節間為三毛少陽經支行藏肝足厥陰之脈經並接起於兩足大指叢毛之際叢毛在足大指爪甲之橫紋後蓋橫

經絡注
起端於注

此經結
經一十有
二始終
也如之

故之前為三毛。橫上循足踏廉。去內踝一寸。上踝八寸。交出太陰經脈之後。行上腠內廉。循陰股內入。故之後為叢毛。

毛中環繞陰器。入陰毛中之急脈。遂左右相交。環繞陰器而會於任脈之曲骨。抵小腹。挾胃歸屬本肝之藏。舍盤絡府配之膽。上貫膈。布

脇肋。足厥陰經循喉嚨之後。上入咽之頰頰。連目系。上出額。與督脈會於巔。頰音杭。頰音桑。上聲。頰頰。咽

頂巔之百。其支者。別從目系。下頰裏環唇內。其支者。復從肝別貫膈。上注肺以襲肺。貫膈注肺。下行至中會穴處。

於手太陰肺經以盡十二經之一。竟脈度一十六丈二尺。是為行身之一周。計水下二刻。為營行一度也。過終而復始也。以上本靈樞。

蓋經有陰陽。兩陽兩陰而遞行。脈唯胃氣通乎晝夜而無間。第手之三陰。從臧走手。手之三陽。從手走頭。

足之三陽。從頭走足。足之三陰。從足走腹。手則維手。足則維足。一陰一陽。互為盤絡。聯府藏。成四配。稱表


裏。分外內。非其所絡。不相偶矣。然則經分十二者。徑胃成水穀者。脈。徑陰則稱陰。徑陽則稱陽。故晝有陰

陽。夜亦有陰陽。罔同於衛氣之流行也。衛氣流行。晝惟陽。夜惟陰。得陰則止而寐。得陽則起而寤。如輪日

之升沉。平分以成晝夜者也。十二經。行各有紀。一周大會。終而復始。如環之無端矣。

右第二十二段言十二經脈運行身中終而復始之徑道

學古診則第三帙之上終



W2464
1896
v. 7